

IN SELECTA
QVAEDAM VETERVM MONVMENTA

SVPPETIAE.

COMMENTARIVM VIII
RAYMVNDI GVARINII.

Non te peto : piscem peto.

NEAPOLI

TYPIS SOCIETATIS PHILOMATHICAE.



MDCCCXXV.

ANALYSIS OF

THEORY AND PRACTICE

OF THE

ART OF

TEACHING

AND

OF THE

ART OF

PRAEFATIO.

Veterum titulis quibusdam scitu dignissimis , sed qui tamen aut temporum iniuria hiant miserrime , aut Quadratariorum inscitia male insculpti , aut demum parum fideliter descripti , improspereque abs viris doctis intellecti passim circumferuntur , suppetias afferre qualescunque , est animus , quando id per Feriarum Autumnalium otium , viribus modice instauratis , licuit. Triplex igitur , ut videtis , Commentarii pars. Favete animis.

C A P. I.

*In mutilum de Cl. olim Danielii Museo
Epigramma.*

§. I.

MUTILOS Veterum titulos , metricis praecipue legibus adstrictos , in integrum restituere , quanti laboris opus , periculique plenum sit , experti norunt. Ea tamen cogitatio deterrere mi-

nime potuit, quin vires nostras qualescunque in hoc Fragmento restituendo, sanandoque experiremur; quod multis de caussis illud ea cura dignum visum est, quarum ea non praetereunda, ut aliquando Parnasso nostro Lapidario, si quando iterum prelo committi contigerit, accedere queat cum aliis nonnullis, quae adhuc in adversariis latitant. Lacunarum impletionem et characteribus minoribus, more recepto, designavimus, et commentariolis praeterea fulciendam duximus, ne quis arguendi cupidine motus eam arbitrariam omnino, gratuitamque taxet. Pro verborum accuratione, in primis quae priores quatuor lineas cum biga postrema attinent, vadimonium suscipere, non libet. Ecquis enim praestare id tuto audeat? sententiam certe, quoad fieri licuit, proxime secuti sumus, a qua non longe aberrasse, facile confidimus, nisi nostra nos fallunt. Sed iam verborum satis. Ecce nunc illud vobis.

Qui properas alio pergens , si SCIRE LABORAS ,
*Hospes , quae fuerim , vel qualis , quan*TAVE QVOIVS
Taedia constiterint vitae , MISEREBERE CERTE ,
*Et sis*tes. Ergo NE SIT DOLOR , HOC , PRECOR , AVDI.
OMNIA CVM VITA PEREVNT , ET INANIA FIVNT.
QVATINVS HOC VOLGO PERSVASVM EST , CREDIMVS , HOSPES ,
*In*DIICIA VT VITAE TITVLO CONSGRIPTA RELINQVANT.
Ne GRAVE SIT , QVAESO , PAVCIS COGNOSCERE CASVS ,
QuoS TVLERIM DVBIOS , ET QVAM SIT DIRA CVPIDO ,
*U*lterIVS NASCENTEM ALIQVEM PROCEDERE HORA.
*Terti*VS A DECIMO CVM ME PRODV CERET ANNVS ,

Coniugis ADSVMPSI NOMEN , GREMIVMQVE RESOLVI.
SED NON , VT VOTIS PEPIGI , MEA FATA TVLERVNT.
*Temp*ORE NAM EXIGVO FELIX HAEC OMINA TRAXI ,
Vix fortunae ET BLANDAE OPIBVS DECORATA , PRIVSQVAM
Saeva per OPSCVRVN SERPENS MORS CVNCTA RESOLVIT.
*Ultim*VS INSVRGENS MIHI SOL CVM CONIVGE VISVS ,
*Non tam*EN OMNINO , ET QVINTAE VIX DEINDE KALÈNDAE.
Annum iGITVR NOSCES SEXTVM DECIMVMQVE FVISSE ,
QVEM VITAE FINEM MIHI *fata fuisse* dederunt ,
Nunc meus HANC SEDEM CONIVX *post fata* dicavit.
Infelix ! MIHI quo *felix Quondam* esse videbar.

Qui properas alio pergens , si SCIRE LABORAS ,

*Hospes , quae fuerim , vel qualis , quantAVE QVOIVS
Taedia constiterint vitae , MISEREBERE CERTE ,*

Et sistes. Ergo NE SIT DOLOR , HOC , PRECOR , AVDI.

OMNIA CVM VITA PEREVNT , ET INANIA FIVNT.

*QVATINVS HOC VOLGO PERSVASVM EST , CREDIMVS , HOSPES ,
INDICIA VT VITAE TITVLO CONSCRIPTA RELINQVANT.*

Ne GRAVE SIT , QVAESO , PAVCIS COGNOSCERE CASVS ,

QuoS TVLERIM DVBIOS , ET QVAM SIT DIRA CVPIDO ,

Ulterivs NASCENTEM ALIQVEM PROCEDERE HORA.

TertiVS A DECIMO CVM ME PRODVCERET ANNVS.

SED NON, VT VOTIS PEPIGI, MEA FATA TVLERVNT.
 Tempore nam exigvo felix haec omina traxi,
Vix fortunae et blandae oibvs decorata, privsqvam
Saeva per opscvrvvm serpens mors cvncta resolvit.
Ultimvs insvrgens mihi sol cvm conivge visvs,
Non tamēn omnino, et qvintae vix deinde kalēndae.
Annum iGitvr nosces sextvm decimvmqve fvisse,
Qvem vitae finem mihi fata fuisse dederunt,
Nunc meus hanc sedem conivx post fata dicavit.
Infelix ! mihi quo felix Quondam esse videbar.

Marmoris fractura , tam superne , quam inferne , Puellae , cui titulus a Viro positus, nomen invidit , quam iacturam facile toleramus. Ad carmen quod spectat , plane iucundissimum, illud data opera in senas particulas secumimus , quo sententia eius omnis et plenius , et facilius constet.

1. Prior lineis quatuor concluditur , quae titulo , proemii loco , inserviunt , nihilque praeterca in se habet , quod morari lectorem queat.

2. A versu quinto ad decimum usque progreditur. Versus prior sententiam complectitur ad Epicureorum palatum adcomodatam : *omnia videlicet cum vita perire , et inania fieri*, idest in nihilum abire. Verum haec si ita sint , reponere quis iure poterat , eccui bono tam laboriosa tituli accuratio ? cui interrogationi ita obviam it vates Epicureus. Titulos , quorum ope vitae cuiusque *indicia* patescunt , minime negligendos , *quatinus hoc volgo persuasum est*; idest ut vulgi moribus , persuasionique pareatur. Caeterum , ut quod ipse sentit , ingenue profiteatur , *diram esse cupidinem , ulterius nascentem aliquem procedere hora* ; hoc est longa animo mortales vivendi vota concipere, quos

in vitae huius stadio tot *dubii casus* , certaque pericula sint consecutura. Longe difficilior

3. Particulâ , quam versibus sex comprehendimus , quibus de vita , statu , obituque puellae edocemur. Haec annum tertium supra decimum vix ingressa (ea vis verborum *cum me produceret annus*) , in matrimonium collocata *coniugis adsumpsit nomen* , *gremiumque resolvit*. Quae posteriora verba de prima zonae virginalis per sponsum *resolutione* sunt accipienda , non de Liberorum susceptione , qui nulli in ellogio memorantur: Id quod evidens fit ex addita statim querimonia :

Sed non , ut votis pepigi , mea fata tulerunt.

Nam quae coniugii vota , nisi eiusdem diuturnitas cum subolis numero , ac beatitate , quorum neutro frui puellae nostrae datum? quae vix spei tantae *omina traxit* , et quidem *tempore exiguo* ; vix et fortunae blandae opibus decorata fuit , *priusquam*

Saeva per *obscurum serpens Mors cuncta resolvit*?

4. *Ultimus insurgens mihi Sol cum Coniuge visus* ,

Non tamen omnino , et *quintae vix deinceps Kalendae*.

An non haec consentiunt cum Virgilianis hisce ;

NON TAMEN OMNINO *Teucros delere parati* (1)?

(1) *Aen. IX.*

Ultimus igitur coniugii *Sol* illuxit puellae ,
nec tamen omnino , intellige *visus* , quod et
Kalendis quintis etiam , noto ellypsis genere ,
 subaudias. *Visus* itaque *Sol* , sed non *tamen*
omnino , idest *cursu absoluto* , quem *saeva*
 mors interceptit: *visae* item *Kalendae quintae*
 coniugii , idest vix inchoatae , non absolutae.
 Kalendas heic enumerat puella a primo initi con-
 iugii tempore , ordine sequenti :

Kalendae I. coniugii : : dies prima anni 13
 puellae.

Kalendae II. coniugii : : dies prima anni 14.

Kalendae III. coniugii : : dies prima anni 15.

Kalendae IV. coniugii : : dies prima anni 16.

Kalendae V. coniugii : : dies prima anni 17 ;
 quo tempore fato concessit.

5. *Annum igitur nosces sextum decimum-*
que fuisse ,

Quem vitae finem mihi fata fuisse dederunt.
 Nupsit siquidem , anno expleto duodecimo, ter-
 tium supra decimum vix ingressa , quem Con-
 iugii vocat *Kalendas primas* , adeoque fecit cum
 viro suo quatuor integros annos , degustatis *Ka-*
lendis quintis , quae initium dederant aetatis
 anno septimo supra decimum.

6. Biga carminum postrema , quae tota fere constat labore , periculoque nostro, Coniugis pietatem commendat in extruendo Uxori suae de-mortuae monumento.

In vetus Eburici Municipii monumentum.

§. II.

Qui sibi meditatione assidua in veterum monumentis perlustrandis usum aliquem comparaverunt , his usuvenire interdum solet , ut si quando in novum aliquod , longiusculum in primis , siglisque notabile , incidant ; primo intuitu , veteri confidentia , plana omnia ipsis videantur. Verum cum manus operi admoveat , sibi-que omnium rationem reddere , contingit , ut singula singulis , omnia omnibus cohaereant , tum demum confidentiam ponant , et vivos non semel ungues arrodere coacti , de suismet viribus modestius sentire aliquando ediscant. Quod nobis accidisse nuper , minime veremur profiteri , in recitato nobis titulo , quem prima facie aestimavimus nil non obvium nobis continere. Verum enimvero cum per otium primo illum

tractare licuit, tum denique intelleximus, rem aliter omnino se habere, ac initio putaveramus. Difficultas non in unis tantum siglis posita, quæ alias atque alias subire interpretationes possunt, sed multo magis in eius periochis rite ordinandis, iustaque interpunctione seiungendis, quod frustra expectes a consueto quadratariorum more, qui aut verba singula, aut etiam nulla, interpungunt, cum interim haud raro in deliciis habeant, et syllabas ipsas puncto notare. Marmor, quale nobis traditum est, nec enīaro ἀρχετυπον videre licuit, est huiusmodi:

I.

L. D. D. D

T. FL. T. F. SILVANO. PATR. MVN
 EBVR. IIVIR. II. QQ. QVAEST. ARK. CVR
 REI. FRVMENT. HVIC. COLL. DEND
 ROPHORR. OB. EXSIMIAM. ERGa
 SE. BENIVOLENTIAM. ET. SPEM. PER
 PETVAM. STATVAM. DIGNISSIMO
 PATRONO. POSVERVNT. CVIVS. STA
 TVAE. HONORE. CONTENTVS. OB
 TVLIT. COLL. SS. HS. VIII. N. VT. QVOTANNIS
 NATALI. EIVS. DIE. III. IDVVM. DECEMBR
 eON. FREQVENTENT. STATVAE. DE
 DICATIONEM. COLL. HS. XX. N. .

qQ. IIVIR. AEDILICÛS. ET. CETE
 RIS. CON. DEC. SING. HS. . . S. AVGVs
 TALIB. HS. XII. N. COLL. DENDroPHORR. ET
 FAB. SING. HS. MILLENOS. N. ET. EPVLVM
 PLEBEIS. SING. HS. XII. N. ET. VISCERATIONEM.

Vocem decurtatam EBVR. pro EBVRI magis
Municipio, quam pro EBVRODVNO, accipe-
 re, pronius videtur. De *Eburico* titulo apud
 Isaram, Bavariae flumen, extat titulus apud
 Gruterum (1), quem consule, si vacat. Nunc

(1) Pag. 23. n. 5.

marmoris ipsius veluti nucleum petamus , diffracto in partes cortice.

1. Primâ pars excurrit ad vocem usque REI. FRUMENT. versus quarti, Patronique Municipii honores omnes prosequitur. Fuit itaque T. Flavius , Titî Filius, Tribu Fabia, Silvanus, Patronus Municipii Eburici. *Patronis* autem primum in Albo Curiae locum, honoris causa, fuisse assignatum, ignorare nemo potest. Ad haec : *IIvir* iterum, intellige *Iuri dicundo* : nam si nota numerica II. ad *IIviratum* Quinquennalem esset traducenda, eum dici oportuerat non *IIvirum II. QQ.* sed *IIvir. QQ. II.* Auctus praeterea *Quinquennalitate* semel, et *Quaestura Arcae*, utique *Fisci*, sed quae Eburî, non Romae, administrabatur, et *Cura* denique *rei Frumentariae*, seu annonae Eburicae, non romanae. Nam qui romanae olim annonae praecerant, hi dicebantur *Praefecti annonae*, et Magistratibus Extraordinariis accensebantur. Postquam autem placitum Augusto, *Ordinarios* instituere Magistratus huiusmodi, *Curatores* appellati *Frumenti populo dividundi*, ut Suetonius tradit (a).

(a) In Octav. Cap. XXXVII.

2. Alia tituli pars sic a caeteris seiungenda: *Huic Collegium Dendrophorum ob eximiam erga se benivolentiam, et spem perpetuam* (alia porro atque alia beneficia de fonte eodem derivandi) *statuam Patrono dignissimo posuerunt*; quae nullo indigent interprete. Tantum adnotasse non pigeat, siglas COLL; quas hic pro *Collegio* accipimus, ut et in linea 13 et antepenultima, aliam deinde potestatem habere in versu 10, quod suo loco notabitur. Veteris etiam τῆς ὀφθογγραφίας studiosi notabunt, ad vocem *Dendrophorum* syllabam postremam per duplicem R fuisse designatam.

3. Sequitur pars tertia his coercenda limitibus: *Cuius statuae honore contentus, obtulit Collegio supra scripto HS. VIII. N.* Atqui hoc in loco interrogabit quis, nec de nihilo habenda interrogatio, ecurr notae formulae *honore contentus* non additum complementum illud notissimum: *impensam remisit*? Cui interrogationi sic respondendum, arbitramur. Postrema haec verba tunc formulae illi addi consuevisse, cum Patronus, sive alius quivis, oblatis honoris impensam in se reciperet. At in casu nostro iam *Dendrophorum Collegium* sum-

ptu suo Statuam Silvano posuerat. Silvanus igitur, ad rependendam Collegio gratiam positae sibi Statuae, obtulit Collegio eidem HS. VIII. N. Quo magis miremur, et exosculemur veterum in verborum, formularumque proprietate accuratorem, sobrietatemque.

4. *Ut quotannis natali eius die, tertio Iduum Decembris, Collegae frequentent Statuae dedicationem, collocavit* (sic enim hoc in loco reddimus siglas COLL.) HS. XX. N. hicque, facto puncto, consistimus. Quae vis formulae *collocare pecuniam*, notum tironibus. Ad līn. 12 iactura se prodit literae praecedentis vocem ON, quam tituli nostri descriptor supplet per literam M; utpote cuius animo *Monumenti* imago obversabatur. Sed minus prospere. Ecquid enim sibi vellet: *Monumentum frequentent, Statuae dedicationem?* Rectius igitur supplendum videtur per literam C, ut *Collegae* habeantur, qui quotannis, die Silvani natali, frequentes adeant ad anniversarium Dedicationis Statuae festum.

5. Iam de HS. VIII. N. collocatorum redditibus attribuuntur *Quinquennalibus, Iiviris, Aediliciis*, et caeteris *Collegis Decurionibus* sin-

gulis HS. annui x , nam hic hiat Marmor, cum addito *Semisse*, qui conspicuum se praebet in $\epsilon\kappa\tau\nu\pi\omega$ nobis tradito.

6. *Augustalibus HS. XII.* N; intellige semper *Collocavit*, quae semel initio posita vox, noto $\epsilon\lambda\lambda\nu\psi\iota\varsigma$ genere, subticetur in sequentibus.

7. *Collegio Dendrophorum, et Fabrum singulis HS. millenos* N; et *Epulum*.

8. Demum *Plebeis singulis HS. XII.* N. et *Viscerationem*. De Epulo, et Visceratione supersedemus dicere, quod res sint inter notas notissimae, et a viris eruditis iamdiu praeoccupatae. Tantum admirari libet effusam Silvani liberalitatem, qui pro unius Statuae dedicatione, et ab uno Dendrophorum Collegio sibi posita, non contentus Dendrophoris bis retulisse gratiam, *Quinquennales* etiam, *Iiviros*, *Aedilicios*, *Decuriones* universos complectitur; quibus Augustales addit cum Collegio Fabrum, et Plebeos denique singulos. Sestertium pro re tanta tum oblatorum, tum collocatorum, initis rationibus e summis singulariis

1. 8000

2. 20000

3. 12000

4. 1000

5. 12000, emergit summa HS. N. 53000 = ducatis nostris Neapolitan. fere - 1323. Cui summae addendum, quod invidit temporis iniuria in lin. 15. Non deerunt, qui nimiae nos prolixitatis in his prosequendis reos agant, qui tale habeant sibi responsum. Melius ista supere-runt iis, qui ea norunt, quam iis deerunt, qui ignorant. Profecto, qui literis cogitationes suas consignant, illorum similes aestimamus, qui epulum apparant, quibus non unis fastidiosorum hominum palato iusculis, salsamentisque serviendum, sed multo magis caeterorum icianio, necessitatique succurrendum, qui plures sine dubio sunt, et cibi appetentiores occurrunt.

Parum facessit negotii, quod sequitur, Marmor Theatinum, descriptum, transmissumque nobis nuper a Viro erudito, nostrique amantissimo, Januario Ravizza. Sed quaedam inde adnotandi occasio fiet viris eruditis fortasse non iniucunda.

II.

O. h. s. s

HYALISS. VICToris
 HYACINTI. FLAVIAES
 PROCVLAE. SER
 LVCCEIA. DONATA
 NVTRIX
 P

Flaviaes, loco της *Flaviae*, indicio est, ad sequiora latinitatis tempora titulum pertinere, qua de re consule Cl. Lupum in *Epitaph. S. Severae*. Sensus omnis hic esse videtur. Luceia Donata, Nutrix, pro pietate sua, titulum ponit tribus Flaviae Proculae Servis, Hyalisso videlicet, Victori, et Hiacynto, pro cuius nominis scriptura desideratur in marmore ἡ της ορθογραφίας ἀκριβεία. Primae lineae iactura facile sarcitur per notam formulam: *Ossa hic sita sunt*.

Formula haec vetustissima, unaque elegantissima, in quam frustra mussitarunt erudituli quidam, quos solidissimis ictibus refutavit vir summus Hagenbuchius. Concors doctorum sententia est, ea insinuari stricti nominis *sepulcrum*, quod sine *cadaveris illatione*, haud *precaria*, sed *per-*

petua, stare non poterat. Inde enim *sepulcra religiosa fiebant*, et sub Legum tutela quiescebant. Ad haec adiiciendum putamus, formulam eandem videri intelligendam de *integri* cadaveris, non *cremati*, illatione. Cui opinioni nostrae favet locus Tullii de Leg. Lib. II; qui talis est: *Declarat etenim Ennius de Africano; HIC. EST. ILLE. SITVS. VERE; nam siti dicuntur ii, qui conditi sunt. Ille. Vere igitur SITI, si Ennio fides, ii dicebantur, quorum integra, non cremata cadavera, condebantur, qualem Corneliis, ad Sillae usque tempora, morem fuisse, Scriptores tradunt. Eaque de caussa factum putamus, ut in Sarchophagorum nullis, quos videre haecenus nobis contigit, formula huiusmodi occurrat. Unde marmorum silentia eloquentissima commendanda, quae, quod ipsa per se res loquitur, nusquam fere eloquuntur.*

Neque nos fallit, testari Morcellium (1), ab se formulam hanc deprehensam quoque in *Urnis cinerariis*. Verum ~~id~~ minus proprie dictum, factumque arbitramur sub sequioris lati-

(1) *De Stil.* pag. 111.

nitatis temporibus. Nam ad ambiguitatem omnem tollendam, ut ipsemet Morcellius fatetur, interdum τοῖς σαρκοφάγοις insculptum videas : CORPVS. INTEGRVM. CONDITVM. SARCOPHAGO (1) Paucis. *Ossa sita*, eccuius auribus latinae proprietati assuetis non probentur? At *cineres siti*, utrum dici proprie possint, adfirmate dicere non audemus.

In Vetus Municipii Caeritum monumentum.

§. III.

Marmor pretii quantivis, de Museo olim Danielii selectum, adornandum, purgandumque suscipimus, non equidem viris illud eruditis incognitum, nam et a Grutero (2) iamdiu relatum videas; sed quod multa in eo eminent, scitu dignissima; quae utrum observata hactenus ab aliis sint, plane ignoramus. Est autem huiusmodi :

(1) Ibid. pag. 114. §. 11.

(2) Pag. 214. n. 1.

VESBINVS. AVG. LIB. PHETRIVM. AVGVSTALIBVS

MVNICIPI. CAERITVM. LOCO. ACCEPTO. A. REP

SVA. INPENSA. OMNI. EXORNATVM. DONVM. DEDIT

DESCRIPTVM. ET. RECOGNITVM. FACTVM. IN. PRONAO. AEDIS. MARTIS

EX. COMMENTARIO. QVEM. IVSSIT. PROFERRI. CVPERIVS. HOSTILIANVS. PER. T. RVSTIVM. LYSIPONVM

SCRIBAM. IN. QVO. SCRIPTVM. ERAT. IT. QVOD. INFRA. SCRIPTVM. EST

L. PVBLILIO. CELSO. II. C. CLODIO. CRISPINO. COS. IDIBVS. APRILIB

M. PONTIO. CELSO. DICTATORE. C. SVETONIO. CLAVDIANO. AEDILE. IVRI. DICVND. PRAEF. AERARI. COMMENTARIVM. COTTIDIANVM. MVNICIPI

CAERITVM. INDE. PAG. XXVII. KAPITE. VI

M. PONTIVS. CELSVS. DICTATOR. ET. C. SVETONIVS. CLAVDIANVS. DECVRIONES. IN. TEMPLO. DIVOR. CORROGAVERVNT. VBI. VESBINVS. AVG. LIB. PETIT

VT. SIBI. LOCVS. PVBLICE. DARETVR. SVB. PORTICV. BASILICAE. SVLPICIANAE. VBI. AVGVSTALIB. IN. EVM. LOCVM. PHETRIVM. FACERET. VBI EX

CONSENSV. DECVRIONVM. LOCVS. EI. QVEM. DESIDERAVERAT. DATVS. EST. PLACVITQVE. VNIVERSIS. CVRIATIO. COSANO. CVRATORI. OB. EAM. REM

EPISTVLAM. MITTI. IN. CVRIAM. FVERVNT. PONTIVS. CELSVS. DICTAT. SVETONIVS. CLAVDIANVS. AED. IVRIDIC. M. LEPIDIVS. NEPOS

AEDIL. ANNON. POLLIVS. BLANDVS. PESCENNIUS. FLAVIANVS. PESCENNIUS. NATALIS. POLLIVS. CALLIMVS. PETRONIVS. INNOCENS. SERGIUS. PROCVLVS

INDE. PAGINA. ALTERA. CAPITE. PRIMO. MAGISTRAT. ET. DECVRION. CVRIATIO. COSANO. SAL. IDIB. AVG. DESIDERANTI. A. NOBIS

VLPIO. VESBINO. CONSILIVM. DECVRION. COEGIMVS. A. QVIBVS. PETIT. VT. SIBI. LOCVS. PVBLICE. IN. ANGVLO. PORTICVS. BASILIC. DARETVR. QVOD. SE. AVGVSTALIB

PHETRIVM. PVBLICE. EXORNATVRVM. SECVNDVM. DIGNITATEM. MVNICIPI. POLLICERETVR. GRATIAE. HVIC. ACTAE. AB. VNIVERSIS. PLACVIT. TAMEN. TIBI

SCRIBI. AN. IN. HOC. QVOQVE. ET. TV. CONSENSVRVS. ESSES. QVI. LOCVS. REIP. IN. VSV. NON. EST. NEC. VLLO. REDITV. ESSE. POTEST. INDE. PAGINA. VIII. KAPITE. PRIMO

CVRIATIVS. COSANVS. MAG. ET. DEC. CAERETANOR. SAL. EGO. NON. TANTVM. CONSENTIRE. VOLVNTATI VESTRAE. SET. ET. GRATVLARI. DEBEO. SI QVI. REMP. N

EXORNAT. ACCEDO. ITAQ. SENTENTIAE. VESTRAE. NON. TANQVAM. CVRATOR. SED. TANQVAM. VNVS. EXS. ORDINE. CVM. TAM. HONESTA. EXSEMPLA

ETIAM. PROVOCARI. HONORIFICA. EXORNATIONE. DEBEANT. DATA. PRID. IDVS. SEPTEMBR. AMERIAE

ACT. IDIB. IVNIS. Q. NINNIO. HASTA. P. MANILIO. VOPISCO. CoS

DEDICATVM. K. AVG. ISDEM. CoS

LYSIPONVM

M. COTTIDIANVM. MVNICIPI

VBI. VESBINVS. AVG. LIB. PETIT

PHETRIVM. FACERET. VBI EX

NO. CVRATORI. OB. EAM. REM

L. M. LEPIDIVS. NEPOS

INNOCENS. SERGIVS. PROCVLVVS

ESIDERANTI. A. NOBIS

ILIC. DARETVR. QVOD. SE. AVGVSTALIB

NIVERSIS. PLACVIT. TAMEN. TIBI

DTEST. INDE. PAGINA. VIII. KAPITE. PRIMO

GRATVLARI. DEBEO. SI QVI. REMP. N

M. TAM. HONESTA. EXSSEMPLA

MERIAE

De *Vesbino* quoque, *Aug. Liberto*, extat
Gruteri (2) titulus huiusmodi :

VESBINO. AVG. LIB. PATRI
SANCTISSIMO

ET. FLAVIAE. AMPLIATAE
MATRI. PISSIMAE

ITEM. SIBI. POSTERISQUE
SVIS

T. FLAVIVS. AQVILA
FECIT

Sed quo minus *Vesbinum* hunc cum *Caeretano* nostro confundamus, monet *Flavii* nomen, quo *Uxor*, filiusque *Aquila* honestantur. *Vesbinus* itaque noster *Traiani Libertis* accensendus, ut ex *Ulpii* nomine palam sit; *Gruterianus* ex adverso *Vespasiani*, quod *Flavii* nomen praefert. E re tamen erit observare, *Vesbinum* hunc *Flavianum*, licet *Augusti Libertum*, uno pristinae servitutis nomine insinuari, quod, qua fini praenotatum sit, inferius loco suo patebit. Ad haec: *Marmor Caeretanum nostrum*, in aperto est, prae romano *Gruteri*, tempore longe posterius esse. Age nunc titulum nostrum in

(2) Pag. 619. n. 8.

partes singulas expendamus, quod antequam fiat, de *Caere* Municipio nonnulla praemittenda.

De *Caere* haec apud Frontinum (1): *Caereate Mariana*. Sed corrigendum: *Caere, ante Mariana. Municipium. Familia C. Marii obsidebat. Postea a Druso Caesare militibus, et ipsi Familiae in iugeribus assignatum. Iter Populo non debetur.* Mariana ergo tempestate *Caere Municipium* dictum *Mariana* ex eo, quod *Familia C. Marii obsidebat*. Sed Frontini aetate, facta iam agri Caeretani a Druso Caesare adsignatione militibus una cum *Mariana Familia*, pristinum nominis honorem, novitio deposito, resumpserat. *Adsignatio* facta *in iugeribus*, hoc est veteri *Pertica* minime immutata. Tironum si quis ignoret, quid sibi velit formula: *iter Populo non debetur*, is adeat *Commentarium nostrum vernaculo sermone editum*, cui titulus: *Illustrazione dell' antica Campagna Taurasina*.

Caere Oppidum, primum extitisse romanum Municipium sine iure suffragii, novimus a Li-

(1) Goes. de Script. Agr. pag. 104.

vio (1), Gellioque (2). *Cum enim, Urbe a Gallis capta, verbis utimur Everard, Othonis (3), Caeretes Sacra Populi romani, ac Sacerdotes recepissent, publice cum iis hospitio facto A. V. C. CCCLXIII; concessum est, ut Civitatis quidem honorem caperent, negotiis tamen iuxta, atque oneribus vacaret.*

Marmor nostrum ad Classem referas Operum publicorum, utpote in quo de *Phetrio* agitur abs Ulpio Vesbino Augustalibus Caeretanis excitato, dedicatoque. Quod *Phetrium* est in titulo, Eustathio est πατριον, nempe τοπος, εν φ οι της αυτης πατριας συνηγοντο. *Locus, in quo conveniebant, qui Phatriae erant.* Inserto postmodum voci huic rhotacismo, de *Phetrio*, si-ve *Phatrio*, emersit *Phratrion*. Vide Gutharium (4). Tituli η χρονολογια per se obvia. L. Publilius enim Celsus iterato Consul processit cum C. Clodio Crispino anno V. C. 866; qui Aerae Vulg. 113.

(1) Lib. V. Cap. L.

(2) Lib. XVI. Cap. XIII.

(3) Iliad 13.

(4) *De Iure Pontif.* pag. 271.

Ad Municipalem τὴν τε Municipii Caeretani οἰκονομίαν quod attinet, ne adnotasse, pigeat, qui illi praeerant, hos non Hviros salutari, quod in Coloniais perpetuo factum, existimamus, sed alterum *Dictatorem*, *Aedilem* alterum *iure dicundo*. At cur Aedili uni, non Dictatori, adpictum το IVRI DICVNDΟ? Anne Dictator non cum Aedile praeerat iuri dicundo? id vero cui credibile videatur? Certe in Municipiis Tusculano, Lanuvino, et Caeretano nostro *Dictator* summi rectoris potestatem obtinebat, et Magistratus Ordinarius censebatur. Vide Everard. Othonem (1). Sed fortasse in causis gravioribus Dictator una cum Aedile ius dicebat; in levioribus unus Aedilis sine Dictatore. Illud certissimum est, Dictatorem Aedili dignitate et loco praestitisse. Aedilis autem noster Caeretanus Praefecturam quoque annonae Caeritum gerebat. Nunc Marmoris partes singulas ordine digeramus, sicque digestis, quam possumus, lucem inferamus.

1. Priores lineae tres tituli argumentum praeferrunt, Phetrium nempe Augustalibus Caeritum

(1) De *Aedil. Colon.* Cap. 111. p. 71.

a Vesbino, loco accepto a republica, exornatum omni impensa sua, donoque datum. Cuius splendoris Operis, munificentiaeque suae cum rogasset Vesbinus monumentum sollemne omnium oculis exhibendum, a Cuperio Hostiliano datum negotium T. Rustio Lysipono Scribae, ut ea Commentario Caeritum quotidiano prolato describeret, quae Vesbini votis facerent satis. Descriptio, descriptorumque recognitio facta in Pro-nao Aedis Martis. Sic res procedunt ad sextam usque lineam.

2. Continenter deinde descripta exhibentur Acta in hanc rem idibus Aprilis ann. Aer. vulg. 113 Magistratum, et Decurionum Caeretanorum, qui corrogati fuerant in Templo Divorum. De *Templo Divorum*, sive Augustorum, consule, si lubet, Oliverium (1). Exponitur Vesbini consilium, quo petit, ut sub Porticu Basilicae Sulpicianae locus ei publice daretur, ubi Phetrium faceret Augustalibus, quod sine mora impetratum ex Decurionum consensu, gratiaeque Vesbino, ut par erat, actae ab universis. Placuit tamen ob eam rem Epistolam mit-

(1) *Marmor. Pisaur.* Not. n. VIII.

ti, Magistratum, et Decurionum nomine, ad Curiatium Cosanum, qui *Curaſor* erat, et tunc temporis Ameriae degebat, qua de suo consensu in Vesbini voluntatem, Decurionumque decretum rogaretur, addito, *an in hoc quoque consensurus esset, ut Locus datus reipublicae in usu non esset, nec ullo reddito esse possit*: idest, nec eo tempore ulli reipublicae usui inserviret, nec emolumento ullo in posterum esse posset. Haec ad usque verba illa EPISTVLAM MITTI. versus 13.

3. Nomina deinde subscribuntur eorum, qui consilio, sive *Curiae*, adfuerunt-IN CVRIAM FVERVNT. quo loco notandus accusandi casus attributus praepositioni IN; cum de Statu agatur. Novem omnino Curiae adfuerunt, in quibus praefulgent M. Pontius, *Dictator*; C. Suetonius, *Aedilis iuridicundo*; et M. Lepidius Nepos, *Aedilis annonae*, intellige Caeretanorum: caeteri Decuriones meri. Iam finem attigimus versus 14.

4. Sequitur descriptio Epistolae Magistratum, et Decurionum ad Curiatium Cosanum, quae data Idibus Augusti, idest mense tertio post Corrogationem Decurionum, ipsorumque acces-

sionem voluntati *Vesbini* de loco petito, *ac-ceptoque*, quod notari volumus. Epistolam hanc consequitur Curiatii responsio, quae incipit a versu 19, et ad penultimum usque procedit, data pridie Idus Septembris Ameriae. In ea Curiatius, non tantum voluntati Decurionum se accedere libentissime fatetur, sed addit insuper, sibi in votis esse, ut tam honesta exempla etiam *provocari honorifica exornatione debeant*. Hactenus plana omnia. Duo nunc expedienda, quae viae luctamen praebere videntur, quo facilis ad finem usque pateat cursus.

1. Salivam cient Curiatii verba: *accedo itaque sententiae vestrae, non tanquam Curator, sed tanquam unus ex Ordine*. Quid τὸ VNVS EXS. ORDINE? Decurionem merum Caeretanorum intellige; ea enim vis formulae: *unus ex Ordine*; indeque datum intelligi, Curiatium profiteri, se Decurionum accedere sententiae, non *tanquam Curatorem*, sed *tanquam* et ipsum Decurionem Caeretanorum.

2. Inquirendum, quae sit *honorifica* illa *exornatio*, qua cumulatam vellet Vesbinum Curiatius ad *provocanda* in caeteris *tam honesta exempla* in reipublicae bonum. *Honorificam* inquit *exornationem*, non *onerosam*. Gratuitam

idcirco intelligere oportet , sive Dictaturam , si-
ve Aedilitatem , sive *Decurionatum* , aut *Augu-
stalitatem* , aut eiusmodi aliquid , sed *va-
cantem* , qualis *Adlectorum*, *Ornamentariorum*-
ve erat , quod meri *honoris* erat , non sine e-
molumento aliquo , sine ullo *onere*. Quae om-
nia hic obiter adnotata , ex iis , quae infra di-
centur , lucem , confirmationemque loco oppor-
tuniore recipient.

Loci denique concessione a Vesbino impetrata
Idib. April. An. aer. vulg. 113. *Phetrium* Au-
gustalibus Caeretanis absolvit impensa sua, *exora-
navit* , *dedicavitque* Kal. Augusti , Q. Ninnio
Hasta , P. Manilio Vopisco Consulibus , an. aer.
vulg. 114; sexto supra decimum mense abs im-
petrata loci concessione.

ACT. IDIB. IVNIS. Q. NINNIO. HASTA.
P. MANILIO. VOPISCO. CoS. Nota haec
chronologica ἀπορχαρον attinere videtur , quod
sibi faciendum curaverat Vesbinus Phetrii ab
se absoluti , donoque dato Augustalibus , inci-
ditque in an. V. C. 867 aer.vulg. 114. Phe-
trium vero dedicatum Kal. Aug. anni eiusdem.

Ad ver. 6. notandum IT pro ID , alternan-
te nempe , ut mos , T cum D ; ut SET pro
SED , QVITQVIT pro QVIDQVID , et innu-
mera alia eiusdem generis.

In Putcolano Marmore, Puteolis effosso ad diem 28 Iunii anni 1752, insigne, nisi, fallimur, quadratarii supinitatis exemplar occurrit. Est autem tale:

II.

L. DOMITIVS. DEMETRI. F
DEMETRIVS. SVBVNC. DE. LIB
CONCORD. SIBI. ET. ARRVNTIAE
GENNAE. CONIVGI. BENE
MERENTI. ET. L. ANNIO. SP. F. PRISCO
ET. LIBERTIS. LIBERTABVS. POSTERISQVE
SVIS. EORVMQVE. OMNIVM. FECIT.

De Lib. Concord. reddendum quisque videt; *De Liberorum concordia.* Verum ecquid monstri illud SVBVNC? Vocem in duo dividendam censemus, ut habeatur: SVB. VNC; seu VNG. Deinde SVB transferendum post singulariam F. primae lineae, ad designandam Tribum *Subur.* vel *Succussanam.* Superest VNG, loco suo minime deturbanda, idest *Vnguentarius.* De τοῖς σφάλασι sculptorum vide exempla compluria apud Marinium (1). Levi indiget medicina, quod sequitur, a Grutero (2) etiam relatum, et multa complectitur scitu digna.

(1) *Iscriz. Alb.*

(2) 637. n. 4.

DIS. MANIB

M. VLPIVS. AVG. LIB. SYMPHORUS

FLATVRARIVS. AVRI. ET. ARGENTI. MONETAE

SIBI. ET. VEPIAE. HELPIDI. QVAE. ET. CLAVDIA. LIB. ET. VXORI. SVAE
VLPIAE. ARSINOE. FILIAE. ET. CLAVDIO. ANTHIOCIANO. FILIO

HELPIDIS. LIB. SVAE. FECIT. ET

LIBERTIS. LIBERTABVSQVE. VTRIVSQVE. SEXVS

QVI. EX. FAMILIA. MEA. ERVNT. RELIQVIARVM. SVARVM
CONDENDARVM. CAUSA. ET. POSTERISQVE. EORVM. QVI

IN. NOMINE. MEO. PERMANSERINT

EA. CONDICIONE. NE. FIDVCIENT. NE. VENDANT. NEVE. ALIO
QVO. GENERE. IN. SEPVLCHRVM. SIVE. MONVMENTVM. EST

ALIENARE. VLLI. POTESTAS. SIT

H. M. H. N. S

Triplici chorda leviter oberratum. In lin. 2. loco *ης Vlpiae* irrepsit *Vepiae*; in lin. 5. pro *Anthiociano* corrigendum *Antiochiano*. et in antepenultima IN. SEPVLCRVM corrigendum: *id sepulcrum*.

Flaturarii ab auro, aere, argento flando, de Monetalium Officina. *Vlpia Arsinoe*, *M. Vlpii Symphori* Filia sine ulla controversia. *Claudius Antiochianus* non item, sed *filaster*, cui in gratiam *Vlpiae Helpidis*, uxoris suae, datus a *Symphoro* locus in sepulcro suo familiari. *Vlpia Helpis*, cum adhuc servitutem serviret, *Claudiae* nomen gerebat, *Claudius*que genuit e quopiam fortassis *Antiocho*, quod nomen utique servile, quod palam sit ex indito eidem *Antiochiani* cognomine: nomen vero ei a Matre tractum, quod in nuptiis non iustis, quales inter servos, *partus sequitur ventrem*. *Claudius* idcirco a *Symphoro* dicitur *filius*, non equidem *suus*, sed *Helpidis*, *Libertae suae*, quae in libertatem asserta a *M. Vlpio*, eique matrimonio iuncta, Domini nomen sibi vindicat, qui *Libertorum* mos.

Sepulcrum, non *hereditarium*, sed *familia-*
re, ut diximus; eaque de re cavetur, ne *fidu-*

cietur, vendatur, aliove nomine de genere alienetur. Contractus fiduciarius, inquit Boethius, quo pignus creditori ita mancipabatur, ut illud mancipanti remanciparetur, et restituendi fides interponeretur. De Fiducia consule Mazochium (1), si placet. De dato Fiduciae haec Gutherius (2): Datus fiduciae, licet pleno iure ad Fiduciarium non pertineat, ille tamen ita DOMINVS est, ut DEBITOR caussam dominii mutare non possit, nec locum RELIGIOSVM facere, cum locus alienus sit. Contractus idcirco fiduciarius, quod DEBITORIS DOMINIO iniquus videretur, Constantini demum Constitutione est abolitus.

Nunc casus incidit singularis duplicis eadem de re epigrammatis, in quorum alterutro dormitasse, oportuit, sculptorem, at in quo, quis praestet? Utrumque oculis subiicimus.

(1) *Tab. Heracl. p. 425.*

(2) *De Iur. Man. Lib. III. C. II.*

IV.

AELIAE. SECVNDI
NE. QVAE. VIXIT
ANNIS. XXXXV
CASSIVS. VIETOR
B. M. FECIT

Viotor, seu *Vitor* a *vio*, seu *vieo*, ille est, qui ex vimine texto utensilia facit, ut Salmasio placet. Plauti locus ad rem (1):

Et viatorem, et piscatorem te esse, impure, postulas.

Verum non *Viotor*, sed *Victor* est in eo, quod sequitur:

V.

D. M

AELIAE. SECVNDE
M. F. QVAE. VIX
ANNIS. XXXXV
L. CASSIVS. VICTOR. CO
IVGI. B. M. FECIT

Probabile videtur, minime probatum, quod parum felici alite quadratarius primum exculperat, huicque propterea alterum substitutum

(1) *Rud. Act. IV. Sc. III. v. 51.*

paullo explicatius, mendisque purgatum, quae primo irreperant; cuius rei datum est nobis marmora tractantibus exempla nonnulla deprehendere. Quod si cui placet, titulum alterum ab alio secernere, ut alia sit *Aelia Secunda*, alia *Aelia Secundina*, itemque alius *Cassius Vietor* a *L. Cassio Vietore*, nodus omnis se ipso dissolvitur.

CAP. II.

Quadratariorum, descriptorumve in Monumenta quaeprim τὰ σφάλματα.

In quadratarios, descriptoresve Marmorum antiquorum eccui ignotae eruditorum querimoniae? Haud raro hi, sive inscitia, sive supinitate, in veterum monumentis exhibendis dormitant, interdum et in aures utramque dormiunt, non sine magno rei epigraphicae periculo. Innumera apud antiquitatis Curatores vitii huius exempla videre est, inter quos commendanda potissimum Marinii, Hagebunchiique industria. Literas interdum alias cum aliis foede commutant, syllabas non raro aut omittunt, aut du-

plicant, verborum ordinem, interdum et linearum integrarum seriem interturbant, mare caelo miscent, additis ad haec nexilium characterum formulis, quae Delio egent natatore. Placitum, de penu nostra selecta aliquot exempla proferre, non sine medicina, quantum per vires licuit, opportuna.

De Borgiano olim Museo occurrit lapis huiusmodi;

I.

MALIE. ROMANE

ATILIVS. PANTERISC

CVNQ. VIX. N. XI. M. VIII. D. XV

CONI. ET. NA. ERENNIA

IRENE. FIL. FECERENNIA

DVLC

Primae duae prospere procedunt. Ὑστερον προ-
τερον in 3. et 4. In 5 post. FEC. loco τὸ
ERVNT, repetita vox postrema ERENNIA ver-
sus proxime superioris. Singula loco suo hoc
ordine reddenda:

*Malie Romanae**Atilius Panteriscus Coniugi**Cum qua vix. an. XI. M. VIII. D. XV.**Et Erennia Irene Filia, fecerunt**Dulc*

Nempe 1. CONI. seu Coniugi lin. 4. transferendum ad initium lineae secundae.

2. NA eiusdem lin. 4. recudendum in AN, addendumque alterum N. lineae praecedentis, ut sit ANN.

3. Nexus E lin. 4. resolvendus in ET.

4. Ad lin. 5. post FECER. delendum ENNIA, quod de linea superiore aliud cogitans sculptor intrusit, supplendumque VNT, ut habeatur *Fecerunt*. Nec minus facessit negotii Borgianum hoc alterum, quo nescio fato, quasi chordis oberrans iisdem.

II.

D. M.

C. VIBIVS. C. F. CELER

VIX. ANN. IIII. MENSIBVS. XI

FRVM. AC. D. VII. OSTIO. XV

VIBIVS. CELER. F. SVO

Sic videtur restituendum.

C. Vibius. C. F. Celer

Vix. ann. IIII. Mensibus. XI. D. VII

Frumentum. accepit. Ostio. XV

Vibius. Celer. Filio. suo

Puerum namque Ostiensem alimentarium fuisse C. Vibium Celerem, probabile videtur, un-

de publice frumentum accipiebat. Quamobrem nota XV. numerica lineae quartae facile tesseram frumentariam insinuat, quā Vibius donatus fuerat.

Pupus superne flagellum dextra, sinistra vero canem ligaculo agitans. Verum ecquid Farnesiano huic alteri faciemus, quod nisi ipsi exscripsissemus, vix credibile nobis, usque adeo in eo potuisse sculptorem dormire?

III.

G. M. T

L. OCTAVLO. L. F. OVE

PATERNO. COMO. MIL

CON. VIIII. PR. MONTAIVL

MIL. AN. XII. VIX. AN. XXX

M. IVLIVS. PROBVS. HER

B. M. F.

Cum non infrequens in veterum titulis occurrat *Genii Manium* recordatio, prioris lineae initiales G. M. T., si lubet, sic interpretator: *Genio Manium titulus*. Inscriptionem denique omnem pessime habitam ita recude.

*L. Octavio L. F. Ouf.
 Paterno. Como. Milit.
 Coh. VIII. Praet. Montaiul.
 Mil. An. XII. V. An. XXX
 M. Iulius. Probus. Heres
 B. M. F.*

Nam L. Octavium Paternum, Tribu Oufentina, patria Comensem arbitramur, genere Libertinum. *Montaiulii* nomen videtur eius, qui Cohorti VIII. Praetoriae praeerat. De Danielii fragmento, quod subiicimus, non in omnibus bene meritus vir emunctissimae naris Marinius (1).

IV.

.. ER. HERCVLANO. EQ. *singulari*O. TVR. TERTVLLI....
 .. MOES. INF. VIX. *ann*
 .. XXXV. MIL. AN. XVII
 VS. ANTONINVS
 VR. LONGINVS. ET
 TA. MAXIMA. COIVX

Ad basim Miles Equo incitato insidens *Equitem* referens *singularium*. De *Turma Tertulli*

(1) Iscr. Alb. p. 70.

consule Fabrettium (1). Haec vero Marinii in fragmentum nostrum peccata.

1. Ad fin. lin. 2. pro EQ. habet DO.

2. Ad lin. 3. pro *Turma Tertulli* obtrudit:
TER. PVBLI.

3. Ad lin. 6. loco $\tau\epsilon$ VS, exhibet notam
numericam 4.

4. Ad lin. ultimam pro TA, habet NIA.

Sed gratiae tamen habendae Viro summo, qui Marmoris finis addit: VALIRIVS. F. B. M. F; quae nunc frustra in Fragmento nostro requiras. Et quoniam de *Equitibus Singulariis* iniecta mentio, non abs re fuerit, alteri marmoris modicam medicinam afferre ex tribus fragmentis Farnesianis hac illac dispersis, nostraque cura in unum compactis.

V.

AVREL.VICTOR.EQ.SING.IVR.CONSTANTINI
NAT. DACVS. ALLECT. EX. ALA. I. ILLI
RICOR. VIX. AN. XXXIII. MIL. AN. XIII
VLPIVS. MACEDO. ET. VLP. MATERNVS
DVPL. HERED

Fabrettius pro IVR, habet TVR. contra Marmoris fidem. Erant itaque *Equites singulariū iurati*, qui sacramento nempe obstringebant se pro vita Principis tuenda. Vocem DVPL. idest *duplarius*, singulari casu accipias, et ad unum Vlpium Maternum referas, HERED. vero casu plurali, et ad Vlpium utrumque trahito.

Malvasia (1) in ea versatur opinione, vocem TVR. seu TVRM. reddi posse *Turmarcum*, si nullum sequatur nomen proprium. Turmarchum autem interpretatur *Praefectum turmae*, quae de agitur. At vox sane duriuscula, immo hybrida penitus, cuius nullum cieri exemplum potest, cum certum aliunde sit, qui *turmae* alicui praeerant, hos proprio nomine Praefectos fuisse nuncupatos. Sanioris ergo consilii videtur, vocem *Tur.* seu *Turm.* pro *Turma* mera accipere, sequatur licet, vel secus, nomen proprium quodcunque *Praefecti Turmae*. Idque eo veri similis videtur, quod perpetuum minime sit in titulis nomina *Centuriae*, *Cohortis*, aut *Legionis* apponere, quibus adscripti

(1) Marm. Felsin. p. 265.

milites forent, quos haud raro MILITES, VETERANOS, aut EQVITES. ROMAN. TYRM. *απλως* nuncupatos videmus.

Duplariis, seu *Dupliciariis*, duplex erat stipendium constitutum. Gutherius (1) *Decreti Domitiani* occasione deceptus, praeter *Duplarios*, *Quartanos* admittit, quibus stipendium quadruplex deberetur. Sed *Quartani*, de quibus in Domitiani decreto iniecta mentio, ad Augustaea tempora referuntur, iique intelligebantur, qui in *Quarta* Legione militabant; ut *Quintani* in V., *Primani* in I; *Decimani* in X, et ita porro. *Duplarios* autem minime *perpetuos* fuisse, idest *κατα τον σιον*, palam facit Danielii titulus de Aruleio Restituto, manipulo *Trieris Libertatis*.

VI.

D. M.

C. ARVLE. RESTITVTI
MANIP. III. LIBERTAT
NAT. AFER. MIL. ANN. X
VIXIT. ANN. XXXI
FLAVIVS. MARCEL
LVS. FABER. DVPL. PERP

(1) De off. p. 314.


Qui *Duplarii* ergo absque τῷ τε PERP. σῆ-
ματι in titulis prodeunt, hos temporariis adcen-
sebimus. E Museo olim Francisci Danielii. Sed
crucem figit Inscriptio Herculanensis, scalpto-
ris libidine, literarum plexu ita involuta, ut
de iis vere cum Plauto dicas, *liberos* videri
sibi *quaerere*. Quam primo referemus, deinde
a characterum veluti fasciis mirifice implexam
expedire pro viribus conabimur. Est autem
huiusmodi:

VII.

D. M.

Q. PANENT. QVIN

IANI. M. L. CL. PR. RA

III. AESC. N. DL. S. 

C. POSTVM. VAENS

PR. HER. T. M. PLA

RENVS. SIRIO

SVB-E. PRC. MEREN

Agitur sine controversia de *Milite Classis Praet.
Ravenn.*, cuius nomen *Panentius*, Gratero igno-
tum. Hic militavit *Triere Asculapio*. Singularia
N. lineae 4. *Nationem* insinuat. Verum ecquid
DL? *Del.* accipimus, et *Delium* interpretamur,
Nexus in fine lin. 4. literas TS prae se fer-

re videtur. Anne *Testamentum*? id veri simile videtur, si nota numerica habenda sit cyphra subsequens. XXXIII. N; ut sensus sit, hanc summam testamento a Panentio adsignatam C. Postumio Valenti, Heredi priori, et M. Plarentio Sirioni, Heredi Substituto, et Procuratori. Quibus positus, sic titulus extricandus videtur:

D. M.

Q. Panentii. Quint

iani. Mil. Cl. Pr. Raven

III. Aesculap. Nat. Del. Test. XXXIII. N

C. Postumius. Valens

Prior. Heres. et. M. Pla

rentius. Sirio

Substitut. et. Procur. Merenti

Et quando de Heredum ordine sermo est institutus, ad rem prodit titulus Gruterianus (1), levi indigens medicina ob vulnus a quadratario inflictum.

(1) Pag. 569. n. 10.

VIII.

D. M

M. VLPPIO. MATVRO. SIGNIF
TVR. SERENI. EQ. SING. IMP
N. NATIONE. NORICVS. COL. C
VIRVNO. VIX. ANN, XXXVIII
MIL. ANN. XXXIII. AVR
MESSOR. SIGNIF. HERES
AVR. NOVELLIVS. ARMORVM
CVSTOS. SECVS. HERES
VLP. AELIVS. LIBERTVS
EIVS. AMICO. ET. MVNICIPI
OPTIMO. BENE
MERENTI. FAC. CVR

Gruterus , marmore reclamante , bis compendio dat HER. pro HERES. M. Ulpus Maturus cum Vlpio Aelio , Liberto , amico suo , et Municipe , Traianalem arguit aetatem. Hic *Signifer* fuit *Turmae Sereni Equitum singularium Imperatoris* NOSTRI ; sic enim intelligenda singularis N. initio lineae 4. *Equites singulares* ab Augusto primum instituti. Ad *Viam Labicanam sepulcrum* his Equitibus constitisse , docet Fabrettius (1). COL. C. VIRV-

(1) Pag. 360.

NO fortasse *Col. Claud. Viruno. De Viruno*
 Vide Gruterum (1). Hactenus nullum viae im-
 pedimentum. Luctamen praebent verba illa ad
 fin. vers. 9. SECVS. HERES.

Haesit ad haec Magnus Muratorius, haesimus
 et nos. Sed viam stravit *Aurelius Aurianus*,
Secundus Heres, apud Fabrettium (2). Ergo in
 Marmore nostro SECVS recudendum est in SE-
 CVNDVS. De *Herede* secundo insignis est Ho-
 ratii locus (3).

*Si cui praeterea validus malè filius in re
 Praeclaro sublatus aletur, ne manifestum
 Caelibis obsequium nudet te, leniter in spem
 Arrepe officiosus, ut et scribare SECVNDVS
 HERES.*

Haec iam scripseramus, cum in Clarissimi
 Marinii locum incidimus, in quo iamdudum
 praecoccupata haec omnia nostra, non sine gra-
 ti animi sensu, legimus. Veritatem enim sine
 fuco quaerenti perinde acceptum est, sive do-
 ceri cum a viris doctis contingat, sive ipse per

(1) Pag. 108. n. 7.

(2) Pag. 357. n. 70.

(3) Sat. V. L. II.

se , veluti per viam , cum iisdem conveniat.
 Quadratarum culpa turbatus ordo linearum in ti-
 tulo sequenti de Danielii Museo , et ad *Sa-*
crorum Classem referendo :

VIII.

M. ACILIVS. A. F. VOT. D. D. L. D. D. D
 PRISCVS. EGRILIVS. PLARIANVS
 PRACF. AERARI. MILI. PAR. PON
 VOLCANI. ET. AEDIVM
 SACRAR. P. C. CLVPEV. MAR. CVM
 IMAGINE. AVREA

Τὸ σφάλματι lin. 3. in qua *Pracf* pro *Praef*
 irrepsit facili negotio occurritur. Aliter res se
 habet in linea prima , quae foede cum secunda
 in unam coit. Lege igitur sic :

Voto. don. datum. Loc. dat. decr. Decurion.
M. Acilius. A. F. Priscus. Egrilius. Plarianus
Praef. Aerarii. Milit. Parthic. Pontif
Volcani. et. Aedium
Sacrar. Ponend. curav. Clupeum. Marti. cum
Imagine. aurea

Levior medicina eius , quod sequitur.

X.

D. M. S

BABVLLIAE. VIRILLAE

CONIVGI B. M. FECIT

M. STATILIVS. AVGVSTALIS

Mam Gruterus, *Babulliae* loco, habet *Babilliae*, cui Fabrettius *Rabulliam*, longius a vero aberrans, substituit. Cippus nunc Calenus proferendus, qui olim prostabat ad Viam Consularem, citra Tabernam, quam vulgo *Turricellam* nominant.

XI.

P. TAPSENNÆ. P. F. PROCVLVVS

MILITAVIT. CHOR. X. PR. SIBI. ET

PETTIAE. VRBANAÆ. CONIVGI

QVICVM: VIXIT. ANNIS. XXXII

CVIVS. DOLOREM. ACCEPIT. ANIMO

NVLLVM. NISI. MORTIS. EIVS. TEM_p

P. TAPSENNÆ. L. F. PATRI. ET

Q. TAPSENNÆ. P. F. ET. FRATRI

Exemplum manifestarium nominum gentilium etiam desinentium in A, ut in *Caecina*, aliisque paucis generis eiusdem. P. Tapsenna Proculus, *Miles Coh. X. Praetoriae* monumentum sibi statuit, et *Pettiae Coniugi*, et P.

Tapsennae Patri, et *Q. Tapsennae Filio eius*, *Fratrique suo*. *Pettiam* gentem canit Horatius (1), deque *C. Pettio*, *C. F. Pal. Phillate*, memorat Gruterus (2). Iure igitur a *Simpettia*, ut legit Fabrettius (3), tamquam a monstro, abhorrent Hagenbuchius, et Bouhierius. Quamquam non in hoc uno de titulo nostro male meritus Fabrettius, quem tute ipse adeas nostra cum suis conferendo. Non est tamen, cur in Fabrettiano hoc monstro extorquendo nimium sibi cum Bouhierio plaudat Hagenbuchius, Donianum typum secutus. Nam et Illviri hi omnes *Tettiam* pro *Pettia* supponunt.

Adeo multum est, veterum titulos suismet, non alienis, oculis legere!

(1) Epod. Od. XI.

(2) Pag. 175. n.

(3) Pag. 36. n. 11.

XII.

T. AVR. T. F. POMPT
 CLITO. DECCOLL. FID
 R. VIXIT. ANN. VIII. M.
 III. d. XXII. AVR. NICE
 PHORIANVS. ET. FILVME
 NE. FILIO. DVLCISSI
 MO. B. M. F.

Anguis latet in linea 2. ad voc. DECCOLL; quae sine dubio in duo dividenda est, idque duplici modo. Aut enim nullam heic redundare litteram volumus, legendumque DEC. COLL. *Decurialis* videlicet *Collegii Fidicinum Romanorum*, ita namque accipiendum videtur FID. R. At puerum quadrimum *Decuriali* praestitisse dignitate in *Fidicinum Collegio*, idque sine causa adiecta, quis sibi in animum induxerit? Redundare potius dixerimus litteram C. corrigendumque: DE. COLL. idest *de Collegio*, quod sponte fluit sua. Ita qui cum Fabrettio sentiret, *Decuriales* suis praefuisse *Decuriis*. Sed recte observatum a Morcellio (1), qui *Decuriis* praeerant, hos *Magistros Decuriarum*

(1) De Stil. pag. 84.

appellatos ; Decurialesque proinde eos fuisse dictos , qui non erant extra numerum , legitimumque locum occupabant. Nihil ergo per nos innovandum in marmore. Lenissima opus est medicina huic , quod sequitur :

XIII.

D. M.

L. VALERIVS. VALENS

MANIPVLARIS. LIB

; IVSITIA. NAT. BESSVS

STIP. XXVIII. VIXIT. ANNIS

XLVIII. VALERIVS. PRISCVS

fILIVS. ET. HE. EIVS. PATRI B. M. F

Pro *Iusitia* vers. 4. corrige IVSTITIA. Habebis Manipularem *Liburnae Iustitiae*. *Iustitia* dat Marinius (1), sed marmore invito

XIII.

D. M

M. VALERI. MARGINI

III. VENERE. NAT. SYR

MIL. ANN. XVI. VIXIT

ANNIS. XXX^xV. HERES

IVLIVS. HERMOGENES

III. PACE. B. M. F

(1) Tav. XXXII. p. 356.

E Museo olim Ducis Noiani. Refert Hagenbuchius (1), cum quo communicaverat Goriuss, qui tamen pro *Valeri*, ut est revera, habet *Valerio. Pacis* nomen Trieris, quod mala alite quidam IN. PACE reddiderunt, quae Christianorum formula.

Biga marmorum Borgianorum, quam refert et Cl. Marinius (2), pessimis insculpta characteribus, ut non modicum legenti facessat negotii, correctione non indiget, nam male exceptum a Muratorio, et Ficoronio, strenue restituit Vir summus: indiget tamen interprete. Prima sic se habet:

XV.

A. POSTVMIVS. POSTVMIAE. L. HERACLIDA
ROG. MAG. QVINQ. CONLEG
APPARAT. ANNAL. ITERVM

Alterum huic simile affert mox laudatus Marinius:

C. Cossutius. C. L. Crispus
Rogator. idem. Cognitor
Mag. Quinq. Annal

(1) Ep. Epigraph. p. 609,

(2) *Iscr. Alb.* 24. 140.

Postumius itaque noster *Heraclida*, *Postumiae Libertus*; et *Rogator*, et *Magister Quinquennialis* iterum extitit *Collegii Apparatorum Annalium*. Collegium hoc arbitramur *apparationibus annalibus Ludorum* praefuisse, facile *Sce- nicorum*. Nec turbare debet τὸ ANNAL; cuius vocis potestas non ea putanda, ut *Ludi* hi semel anno celebrarentur; sed ἄορίσας potius, idest *Apparatores Ludorum*, quos per annum celebrari contingeret. *Rogatores*, Sigonius docet (1), eos fuisse, qui in Comitiiis Curiatis *cistam deferrent*, in quam *tabellas suffragii populus coniciebat*. Sed in re nostra quid *Rogatori* huiusmodi cum Comitiiis Curiatis? Idcirco veri simile videtur, in Ludorum apparationibus *Rogatores* eos fuisse, qui et *Cistam deferrent*, in quam *tabellas*, seu *tesseras ludorum* susciperent. Quae si vera sint, pronum etiam est conicere, fortasse *Cognitores* in Ludorum apparationibus eos exstitisse, qui *accedentes cognoscerent*, utrum *admittendi*, quoque loco, aut ordine collocandi.

(1) Lib. 1. Cap. III.

XVI.

A. POSTVMIVS. POSTVMIAE

L. HERACLIDA. ROGATOR

BENIFICIVM. CORNELIAE

C. L. PHILAENIS. CONIVNX

Ne plura. Titulus videtur Postumio positus a sua *Coniuge*, cuius nomen exemplo haud novo, reticetur. Quid igitur illud : *Beneficium Corneliae*, C. L. *Philaenis*? *Beneficium* pro *Immuni* accipimus, Postumiumque credimus, liberalitate *Corneliae*, C. L. *Philaenis*, Collegii *nuneribus* vacasse. Quod si quis PHILAE-NIS nomen Coniugis fuisse, contendat, huic minime repugnemus, et Epigrammatis sententia perinde constat.

XVII.

D. M

SILIO. VICTORI. FILIO

ET. NAEBIAE. AMOEBE

CONIVGI. ET. SILIAE. VICTORIAE

FILIAE. SVAE. P. SILIVS. VICTOR

TRITOR. ARGENTARIVS. F. S. ET. S

L. L. POSTERISQVE. EORVM.

De penu Farnesiana. *Naebia* pro *Naevia*, alternantibus, de more, literis B, et V. De *Tri-*

tore argentario nullum hactenus verbum, quod sciamus. *Officinatores monetales* minime heic arcessendos, putamus. De *Argentariis*, sive *argenti artificibus*, rem esse, credibile videtur; *tritoremque argentarium* eum intelligemus, cui cura imposita argentum in minuscule frusta terendi, *argentariorum* usibus accomodata.

C A P. III.

Eruditorum in titulis, sive describendis, sive explicandis halucinationes.

Primum exemplum ab eo petatur, quem refert Gruterus (1), alique, estque huiusmodi :

I.

STRVCTVRA. CVM. MVNITVRA. SARTOPHAGI. VETVRI
FELICIS. P. P. SVIS. IMPENDIS. FECIT. FELIX. AVG. LIB
ADIVTOR. TABVL. ARAT. QVI. SORTITVS. EST. IN. CONTVBERN
SVO. ARRIAM. RVFINAM. QVAE. FVIT. VXOR. EIVSD. VET. FELICIS
LOCVS. CONCESSVS. AB. T. AEL. ASCLEPIODOTO

(1) Pag. 590. n. 7.

In duobus peccavit Scalptor levissimi momenti. In vers. 1. *Sartophagi* pro *Sarcophagi*. In versu 3. ARAT. pro A. RAT. Agitur enim de *Adiutore Tabularum a rationibus*, nisi forte sermo sit de *rationibus aratoriis*, quod nec affirmare, nec impugnare, est animus. Arria igitur Rufina nupserat ante Veturio Felici: hoc vita functo, eandem sortitus est *Contubernalem* Felix, Augusti Libertus, qui hac de causa *structuram cum munitura* fecit *sarcophago* Veturii Felicis. Atque haec obtinere apud omnes, aequum est. Difficultatem ingerunt singulariae P. P. lineae 2.

Smectius reddit *Patrem Parentis*, quod plane arbitrarium, atque *αποπορ*. Hagenbuchius conatu gigantaeo. transfert ad initium lineae proxime sequentis, legitque: P. P. ADIVT. TABVL. A. RAT; *Praepositum* nempe *Adiutorem Tabularum a rationibus*. At sanioris sine dubio consilii videtur, nihil innovare, et singularias P. P. *pro pietate* interpretari, cuius pietatis causae Felicis erga Veturium satis in titulo insinuatae. Nunc cum Cl. Danielio nostro levis, et amica velitatio. Marmor ille refert (1) quod ita se habet: —

(1) *Numism. Cap. p. 78.*

II.

N. PVMIDIUS. Q.	F	M. RAECIUS.	C. <i>fil.</i>
M. COTTIVS. M.	F	N. ARRIVS. M. F.	
M. EPILIVS. M.	F	L. HELOLEIVS. P. F	
C. ANTRACIVS. C.	F	C. TVCCIVS. C.	F
L. SEMPRONIVS. L.	F	Q. VIBIVS. M.	F
P. CICEREIVS. C.	F	M. VALERIVS. L.	F SM

HEISCE. MAGISTREIS. VENERVS. IOVIAE. MVRV
 AEDIFICANDVM. COIRAUERVNT. PED. CCLXX. ET
 LOIDOS. FECERVNT. SER. SVLPICIO. M. AVRELIO. CQF

Ad finem lineae 6. parte dextera vir doctus pro SM dat ZM, ingenueque profitetur, nescire se, quid haec sibi velint. Nobis persuasum est, quadratarum supinitate, aut ignorantia irrepsisse S forma inversa S, quod typi vetant fideliter exhibere, legendumque S. M = *Scripti Magistri*. At cur non S. S. idest *supra scripti*? quod non *infra*, sed continenter ad latus ipsius lineae notatum. Statim enim post in linea sequenti resumitur: HEISCE. MAGISTREIS. Queritur item vir doctus de Apiano, quod ad finem versus ultimi pro COS obiecerit. CQF. At ita plane Marmor se habet. Plusquam tamen veri simile videtur, id scalptoris negligentia accidisse, qui in hoc lapsus est, ut ante in forma inversa literae S.

Galbae cum L. Aurelio Sulpicio Consulatus incidit in an V. C. 610; marmorisque in hoc ἡ ὀρθογραφία consentit. Sed in Marmore *Marci*, non *Lucii* praenomen Aurelio tribuitur. Si de Quadratarum fide constaret, nulla per nos mora, quin vulgatum Lucii praenomen apud Fastographos in Marcum recuderetur. Caeterum *Marci* praenomen una Gruteri (1) inscriptione se hac-

(1) Pag. 871. n. 2.

tenus tuetur , pro qua quis vadimonium suscipiat ?

VENERVS pro *Veneris* , notus ὁ ἀρχαῖσμος. Titulus nunc alius in medium proferatur , palmare Maffeianae libertatis exemplum paullo intemperantioris , qua abreptus labitur saepiuscule Vir summus in iis , quae ad vetustatem pertinent.

Titulum refert inter caeteros Marinius (1) , estque eiusmodi :

(1) *Osserv. Tav. XXXIII. p. 343. in Not.*

III.

SOMNO. AETERNO. SACRVM

ÆLIA. ARSINOË. ET. AELIVS. HILARVS. ET. AE

LIVS. TIMOTHEVS. IVNIOR. ET. P. ANTONIVS

ARSINOVS. ET. P. ANTONIVS. MARINVS. SE

VIBI. FECERVNT. SIBI. ET. SVIS. LIBERTIS. LIBER

TABVSQVE. EORVM. NE. DE. NOMINE. EXIAT. LOCVS

CONCESSVST. AELIO. TIMOTHEO. PATRI. SOLEVM. I

TEM. P. ANTONIO. ZMARAGDO. NVTRITORI. SOLEVM. I

ET. AELIO. POICRONIO. SOLEVM. I. ITEM. QVITQVIT

HVIC. MONIMENTO. SIVE. SEPVLCRO. ATPPLICITVM

INSTRVCTVM. AEDIFICATVM. EST. ET. SI. QVA. MACERIA

SECVNDVM. SE. IBI. ATPLICITA. EST. EA OMNIA

HVIC. MONIMENTO. SIVE. AEDIFICIO. CEDANT. QVOD

SI. QVIS. HVNC. MONIMENTVM. SIVE. AEDIFICIVM. DONATIONIS

CAVSAM. VEL. ALIOQVE. NOMINE. TEMPTAVERIT. FACERE. DAMNAS. ESTO.

AERAIO. PO

PVLI. ROMANI. HS. LM. N. ITEM. V. V. HS. IM. N

Titulus plane archaicus, ut legenti primo intuitu palam est ex una eius τὴ ὀρθογραφία, ut alia missa faciamus. Peccat in paucis Quadratarius, cui ad vocem POLICRONIO vers. 9. excidit litera liquescens, unde POICRONIO.

Monumentum hocce, sive *sepulcrum*, non *hereditarium*, sed *familiare* dixeris Gentis *Aeliae*, *Antoniaeque*, de quorum nomine ne *exeat*, praecavetur multis pecuniariis, quarum pars Aerario pop. rom. inferenda, pars eroganda Virginibus Vestalibus. Multis sepulcralibus solos adfici heredes, censuerunt Patinus, Cuiccius, et Mazochius noster (1). Has tamen rectius pro utraque contrahentium parte statuit Marinius (2). Quidquid Monumento huic, sive sepulcro, *adplici* in posterum, *instrui*, *aedificari*, et si qua iuxta locum eundem maceriam adplici contingat, ea universa in Monumenti beneficium cedere, praecipitur. *Adplicere* est *IVXTA ponere*; *instrui* *INTVS*; *aedificari* demum quidquid Monumenti aedificium *ATTINET*.

(1) *De Asc.* p. 40.

(2) *Iser. Alb.* p. 73.

DONATIONIS. CAVSAM. VEL. ALIOQVE. NOMINE. TEMPTAVERIT. FACERE. Legendum putamus: *donationis causam*, vel ALIO QVOQVE NOMINE. Excidit enim fortasse sculptori syllaba QVO; nisi potius dicere velis, voci ALIOQVE τὴν ἀοριστήν quoque olim tributam fuisse significationem, ut steterit pro *quovis*, seu *quocunque*. Non igitur unius *donationis causa*, sed alio quovis de *nomine*, puta *venditionis*, *commutationis*, *fiduciae* alienari de gente, inhibetur. Forte etiam et nexus ille CAVSAM. ita solvendus: *causa mancipare*. Cuius formulae exemplum, inter alia, vide in hoc Farnesiano Fragmento:

COSMVS. AEDITVVS. MATRIS. D. M. *Istd*
 ANTIOCHO. SACERDOTE. ANNIS. XII. EIVSD.
 AB. IMP. AVGVSTO GRATIS. MANVMISSVS. OL...
 SVNT. SVNT. HS. N. I. DONATIONIS.
 CAVSA. MANCIP..

Nunc de *Soleis*, sive *Soliis sepulcralibus* cum Maffeiō iure agendum.

Solia fictilia memorat Plinius, quae nonnulli perperam cum DOLIIS FICTILIBVS commutare aggressi sunt. Celso, singulari acceptione, quae apud medicae artis professores deinde

perennavit, *solium* est *Balineum*. At in Marmore nostro *Solia* sine controversia *loculamenta* sunt integro cadaveri recipiendo idonea; in quam significationem usurpatam quoque videas vocem eandem a Curtio, et Floro. Neque porro dubitandum, ab hac *Solii* propria acceptione derivatam Celsianam illam, minusque propriam, qua *Balineum* denotatur. Corpora enim viventia ita fere *Balineo* aptantur, ut suis cadavera loculamentis. Quid igitur τῶν ἀρχαιολογῶν principi faciemus, qui *Solium* pro loculamento sepulchrali *mirum commentum* pronuntiat (1)? Et ne in quaestione hac ullus dubitando locus relinquatur, en fragmentum aliud opportunitate ipsa opportunius.

(1) *Art. Crit. Dipl.* p. 242.

IV.

D. M

FL. VICTORIA. ET. FL. AGATHē
 sibi. ET. LIBERTIS. LIBERTABVS
 Posterisque. EORVM. Q. TITIVS
 Q. TITIO. FORTVNATO. PATRI. *bene*
 MERENTI. EX. DONATIONE. *Vivo*
rum. EXCEPTO. SOLIO. VNO. VSQVE. AD
 Aediculam. INTROEVNTIBVS. IN. MONu
 mentum. PARTE. DEXTRA.

Itane *Solium* pro *Loculamento sepulcrali* mi-
 rum commentum? Nec minus praesidio eget
 contra Maffei impressiones Farnesianum, quod
 sequitur :

X.

SEX. POMPEIVS. FAVSTVS

SEX. POMPEI. EXACTOR

SEXTIAE. L. TERTIAE

TONSTRICI

QVISQVIS. ES. HOMO. ET. VOS. SODALES

SEXTIA. XANTHA

MEOS. CVNCTOS. ROGO. PER

SCR. LIBRARIA

DEOS. SVPEROS. INFERNOSQE

EM. OLL. II

NE VELITIS. OSSA. MEA. VIOLARE

Recitatur a Grutero (1). Quid Maffei? Caussatur in primis, Faustum, hominem trinomium, *Exactoris* officio fungi. Quasi novum, monstrique instar sit, Libertos, Libertinosve in Dominorum perdurare servitio! Offenditur deinde formula QVISQVIS ES cum caeteris. Ex quo illud verendum, ut qui Maffei usum ignorant in veterum titulis pertractandis, hi facile peregrinum illum credant in titulorum sepulcralium lectione.

Multus praeterea est in linea prima alterius Epigrammatis exagitanda, quod a dextro positum; rogatque, ecquid sit *Sextiae L. Tertiae Tonstrici*? Nimirum *Sextia* ipsa, gentis *Sextiae Liberta*, et *Tertia Tonstrix*, quibus ambabus condendis *Sextia Xantha*, scriba *Libraria*, emit Ollas duas. Minus proluxa eget peroratione *Farnesianum* hoc alterum:

VI.

Q. CAELIO. Q. L. ELAIN..

Q. CAELIVS. Q. L. VES

PER. VESTIARIVS

TENVIARIVS

(1) Pag. 594, n. 6.

Cuius postremae vocis occasione male olet Maffei (1). Atqui male profecto veteribus foret monumentis consultum, si de illorum idcirco foret τῇ αὐθεντιᾷ dubitandum, quod in iis vox una, aut altera deprehenditur parum in Lexicis obvia. Immo Lexicis ipsis pessime consultum, quibus augendis tam praeclari fontes occludantur. Consentiant itaque viri docti, *vestiarium tenuiarium* a vestium tenuitate dictum, non a *taeniis*, quae Gutherii (2) sententia fuit. Quod si verum obtineret, prior syllaba dyphtongo AE fulcienda sine cunctatione fuisset, quod secus factum videmus. ELAIN. pro ELAVN, alternante, ut mos, I cum Y. Ergo *Elaini*, vel potius *Elavnontis* ἀπο τὴ ἐλαινειν = *agitare*, unde noster *Agitator*. Prolixiores aliquanto simus, oportet, in alio Farnesiano titulo tuendo, qui *de Sacris* est.

(1) Art. Crit. pag. 556. et 389.

(2) *De Off. Dom. Aug.* p. 543.

VII.
 VICTORIAE
 IMP. CAESARIS. VESPASIANI
 AVGVSTI
 SACRVM
 TRIB. SVC. CORP. IVLIANI
 C. IVLIVS. HERMES. MENSOR
 BIS. HON. IN. CVRAT. FVNCTVS. ET. NOMINE
 C. IVLI. REGILLI. FILI. DE. SVO. FECIT
 CVI. POPVLVS. EIVS. CORPORIS. IMMVNITATEM
 SEX. CENTVRIARVM. DECREVIT

Refert Gruterus (1). Nasum suspendit ὁ κρι-
 τικωτάτος (2), quod se *non capere*, ait, *quo-*
modo Tribus Succussana monumentum ponat,
quod Hermes, nomine etiam filii sui, de suo
facit; nec quid sibi velit IMMVNITAS SEX
CENTVRIARVM eidem decreta.

Cui datum, universa capere, huic fas esto,
 suspecta, immo falsa, habere, si quae minus
 assequitur. Qui minus honorifice de se sentiunt,
 hi capitalem omnino sibi reputent canonem hunc
 Maffeanum, in re potissimum Epigraphica, quo
 vir summus saepiuscule abutitur. Sed age sin-
 gula discutiamus. —

(1) Pag. 871. n. 2.

(2) *Art. Crit. Dipl.* pag. 309.

1. Itane captu difficile, C. Iulium Hermitem, professione *Mensorem*, nomine etiam filii sui, impensas in se recipere *Sacri*, quod Tribus Succussana Corporis Iuliani facit Victoriae Imper. Caesaris Vespasiani Augusti? Sacri expensis et addenda pecuniae solutio pro titulo sane magnifico statuendo, perenni tantae rei testimonio. Cui haec non obvia ex ipsa tituli lectione?

2. Nec felicius ad marmor evertendum altera Maffei impressio. *Tribus Suburrana*, et *Sucussana* dicta. Non Tribus haec omnis in *sacrum Vespasiano* convenit, sed illius pars tantum, quae sub *Corpore Iuliano* coibat, quod in *sex Centurias* videtur distributum, cui sua quaeque munia erant iniuncta. Quamobrem *Centurias* hic non sensu latissimo, omnibusque obvio, esse accipiendas, arbitramur, sed peculiare *Corporis Iuliani*, ut et *Decurias* in caeteris. *Populus* itaque, idest *Corporati* universi *Iuliani*, ad rependendam C. Iulio gratiam, *immunitatem* ei decernunt *Sex Centuriarum*. At quaeenam, inquires, eiusmodi *immunitas*? *Immunitatem* hic accipimus sensu legitimo *pro vacatione a muneribus*, unde nomen *immuni-*

tatis deductum , quae circumscribenda ex personarum statu , ac conditione , quibus ea decernitur. Sic *Immunes Dendrophori* , qui muneribus , oneribusque vacant Corporis Dendrophorum ; et *Veterani immunes* , si de militibus agatur , ii sunt , qui muneribus militiae vacat. Nec unis militiae oneribus vacabant Veterani. *Immunes* etiam erant *portoriis* , nisi mercimonium exercebant. Quod illis privilegium , ut Tacitus refert (1) , Neronis decreto confirmatum : *Militibus IMMUNITAS servaretur , nisi in iis , quae vaeno exercebant*. C. Iulio igitur decreta *immunitas* a muniis , oneribusque , quibus sex Centuriarum homines Corporis Iuliani erant obnoxii. Quamobrem probanda minime videtur Fabrettii sententia , qui *Immunes perpetuos* Cippi alterius Farnesiani , quem mox proferemus , eos interpretatur , quibus *perpetua sacra faciendi* permissa facultas ; quod profecto , non *immunitatis* privilegium , sed *maximi oneris* munus censendum (2).

Sed perseverabit quis fortasse , rogabitque ,

(1) Annal. Lib. XIII.

(2) Pag. 449.

ecquale *Corpus* hoc *Iulianum*, et qualia *Corporis* huius munia? Cui paucis. *Plura posse Asinum interrogare*, ut in veteri proverbio est., *quam Philosophum respondere*. *Corpus* certe *Iulianum* a Iulio Augusto dictum, facile credimus. Caetera, quae *Corpus* hoc attinuere, ignorare hactenus nos, ingenue profitemur. De *Veteranis* immunibus, iisque, qui *advocationem* impleverant, locus insignis occurrit, qui est huiusmodi (1): ὅς πλεωσαντες στρατειαν, ἢ συνεγοριαν, πρὸς τοῖς υπαρχουσιν αὐτοῖς προνομιοῖς, μητε σιτωνιαν, ἢ ελαιωνιαν, ἢ εποφιαν ἔργων, ἢ λογοθεσιαν, ἢ ἐκδικιαν, ἢ πατεριαν, ἢ λογιστιαν, ἢ αγορανομιαν ποιεῖτωσαν. Idest: *Qui militiam, ad-vocationemve impleverint, praeter ea privilegia, quae sunt adepti, neque frumenti, aut olei comparandi curam, aut operum inspectionem, vel rationum, vel civitatis defensionem, patrisve munus, vel curam Reipub.; vel Aeditatem exerceant* (2). Tantum quippe aberat, ut in *Coloniis*, *Municipiisve* publica onera, *Decurionum* praecipue, magistratuumque appetentur, ut et lege compellendi invitati, qui le-

(1) *Ea Lib. 54. βασιλικῶν tit. 7.*

gibus ad ea subeunda obnoxii forent, et' privilegi locò haberetur, ab iis posse vacare. Quibus privilegiis cumulos novimus, praeter eos, qui paullo ante sunt memorati, Philosophos, Rethores, Medicos, Grammaticos, aliosque, quos non vacat persequi singulos. Quae intelligi volumus de *Decurionibus ex officio*, minime de *Adlectis*, et *Ornamentariis*, qui interdum *gratuiti*, interdum *secus*; quibus nulla certa aetas lege constituta erat, et Decurionum honoribus, privilegiisque, sine onere, fruebantur. Tale profecto Decurionatus genus facile, divitum potissime, ambitiosorumque cupiditatem alliciebat, nec facilis ad illud via patebat; deque horum familia sunt accipiendi Decuriones illi fere omnes, quos in titulis offendimus, et quorum aetas citra, ultrave annos a lege Decurionibus legitimis sive *Ordinariis* praescriptos passim cietur. Quod discrimen cum non satis adcurate perpensum a viris quibusdam doctis fuerit, mirum, quantas in Pompeiana quadam Inscriptione in Com. VI. a nobis etiam relata, turbas civerint. Iuverit illam denuo hic sistere, diligentiusque refricare:

VIII.

N. POPIDIVS. N. F. CELSINVS
 AEDEM. ISIDIS. TERRAEMOTV
 CONLAPSAM

A. FVNDAMENTO. P. S. RESTITVIT
 HVNC

DECVRIONES. OB. LIBERALITATEM
 CVM. ESSET. ANNORVM. SEXS.
 ORDINI. SVO. GRATIS. ADLEGERVNT

Lis est de voce SEXS. vers. 7. quam alii *sex*, alii *sexdecim*, alii *sexaginta* reddunt. Nobis olim *sex* arrisit, prae aliis. Nunc, mutata sententia, pro *sexsaginta* stamus; nam de *sexdecim* conclamata res videtur; scribi enim oportuisset SEXS, quod orthographiae legibus repugnat. Vocem praeterea *sexs.* decurtatam esse pro *sexagina*, aperta res videtur. Finem nempe lineae occupat, et est puncto de industria notata, quod secus factum adparet in caeteris lineis omnibus nullo puncto ad voces finales distinctis, quae integrae omnes occurrunt. Rem omnem conficere videtur Fabrettii Inscriptio (1) quae est huiusmodi:

(1) Pag. 11. a 51.

*Sex Servilius**Ressia. L. C.**Veiento**Cleopatra**Ollas. continuas. sexs*

Vide vocem *sexs* in fine lineae adhibitam pro numero senario, sed sine puncto aliquo, quod secus factum in Pompeiana nostra.

Deque τῇ ὀρθογραφίᾳ primum argumentum desumptum, illudque non de nihilo habendum. Sed penitiores adhuc rationes epigrammatis ipsius sententia suppeditat. Ecquid enim? Puero *sexenni*, aut annorum etiam *sexdecim*, liceret, pecunia sua *aedem Isidis terraemotu conlapsam a fundamento restituere*? Patre id factum, reponitur, vivente, aut testamento per *Tutores*, *Curatoresve*? Gratis. Nam id insinuaturn oportuerat in titulo, ut in Eumachiae titulo, quo *nomine suo*, et *Filii sui Frontonis*, *Chalcidicum*, *Crypta*, et *Porticus Concordiae* Pompeiis excitantur; ut in titulo Farnesiano, quo *C. Iulius Hermes suo*, et *nomine C. Iulii Regilli Filii*, *de suo fecit sacrum*. Cum igitur nil tale occurrat in Pompeiano titulo, nomine suo dicendum, haec omnia a Popidio facta in Isidis gratiam, cum id ei per leges liceret. At non equidem id ei per le-

ges licebat, cum *senos*, aut etiam *senos* supra decem annos ageret. Ergo cum sexagenarius esset. Quo quid credibilius? Hominem scilicet et annis provectum, et divitiis affluentem, et nullis fortasse etiam heredibus fulcitum; bona sua in publica commoda, praecipue quae religionem contingerent, impendere? Idcirco Decuriones Pompeiani Decurionem eum non *Ordinarium*, quod non eorum iuris erat; quod non *honos*, sed *onus* omnium formidatissimum putabatur; verum *adlectum*, *gratuitumque* creaverunt, qui vere honos sine onere censebatur; et quo *tam honesta exempla*, ut Caeretani marmoris verbis utamur, *in reipubl. commodum honorifica exornatione provocarentur*. Fidenter dicimus, deturque verbo venia: Marmor hocce Pompeianum quaquaversum *ἀντονομον* se Popidii Celsini probat, nihilque omnino olet sive *Patriae*, sive *Tutoriae*, *Curatoriaeque* potestatis.

Ne plura. *Adlecti* vox ipsa per se quaestionis iugulum petit. Nam *adlecti* *Senatores*; *adlecti* *inter Patricios*; *adlecti* *Consulares*; *adlecti* *veluti Exconsulares habiti*; *adlecti* *inter Praetorios*, et *Tribunos*; *inter Quae-*

stores ; adlectus in Ordine Senatorio ; allectus in splendidissimum Ordinem , quod postremum Decuriones sine controversia respicit ; omnes Honorarii sunt , et Vacantes. Vid. Guther (1). Neque ex adlectione huiusmodi ius ullum adlectis dabatur , ut olim in Ordinarios transirent. Filiis autem Decurionum , quibus ad munus paternum lege patebat iter , legitima aetate expleta , cum adhuc pueri essent , addicti Curiae dicebantur , aut etiam Decuriones infantes , nusquam Adlecti ; quo nomine si quando insigniti occurrant , de Vacantibus , et Honorariis , non de Ordinariis cogitandum.

Haec erant sub prelo , cum ad manus venit titulus alius oppido elegans , et opportunus , aliave occasione opportuniore referendus , in quo memoratur *Virtius* quidam , qui ob *Equum magnum* ab se positum *Iiviratum* gratuitum assecutus est. Quid *Iiviratus* hic *gratuitus* ? Quippe longe alius ab *Ordinario*. *Honorarium* ergo intellige , adeoque *vacantem* , sive *Adlectum* , sive *Ornamentarium* , nec a veritatis semita aberrabis.

(1) De Off. Dom. Aug. Lib. I. p. 48. et. 49.

Nunc ad rem propositam quod pertinet, affirmare minime veremur, Maffeio, si titulum intuitus esset, dubitationis omnes tenebras futurum fuisse ut dispellerentur. Tanta Cippi moles, artificiumque mira cum simplicitate coniunctum! Titulus alter, de quo paullo supra memoravimus, huius plane simillimus, ut ovum ovo similis esse nequeat. Quocirca aut admitendus alter, aut uterque reiiciendus iisdem de causis.

VIII.

FORTVNAE. REDVCI

DOM. AVG.

SACRVM

TRIB. SVC. CORP. FOEDER

M. ALLIVS. TYRANNVS. C. FVRINIVS. FAVSTVS

P. FVLVIVS. PHOEBVS. AVRAR. L.

VENONIVS. ZOSIMVS

IMMVNES. PERPETVO. DD

Extat etiam nunc, occurritque apud Gruterum (1), sed mendis scatens innumeris, cippus oppido ingens de *Tribu Suc. Iuniorum*, ad cuius latera insculpta nomina Militum Centu-

(1) Pag. 240.

riarum Octo , quarum singulae milites referunt 122, praeter Centuriones, quorum nomina in principio praenotata, unde inito militum omnium calculo, facile colligi datum, Legionem integram Vespasiani tempore constitisse fere 9000 militibus. Titulus in fronte cippi hic :

PACI. AETERNAE .

DOMVS

IMP. VESPASIANI

CAESARIS. AVG
LIBERORVMQ. EIVS

SACRVM

TRIB. SVC. IVNIOR

DEDIC. XV. K. DEC

L. ANNIO. BASSO
C. CAECINA. PAETO COS

Sed quando de *Fortuna reduce* incidit sermo, non heic praeterendus titulus Farnesianus alter, cuius fini suppetiae ferendae :

VIII.

TI. IVLIVS. AVG. LIB. LIMEN. STABILIANVS. AEDĒM
FORTVNAE. REDVCIS. FECIT. SIBI. ET. LIBERTIS

LIBERTABVŠQVE. POSTERISQVE. EORVM

IN. AGRO. P. XIIIIS. IN. FRONTE. P. XIIIS

MESVRA. ACTA. ACCEPIT. PORTIONEM. OMNIVM

HS. CCCCXXXVIII. N. TI. IVLIVS. DIOCLES. CVR. *Nomine ejus egit.*

Ad tempora Tiberiana respicere videtur. *Limēn* cognomen Liberti Augustaei, quo gaudebat *nomine*, dum servitutem serviret, ex eo fortasse, quod *Liminis* custodia demandata ei fuerat. Aedis mensura acta per pedes XIV cum semisse in agro, XIII cum semisse in fronte. Insumpta in hanc Aedem HS. N. 448000; quam summam pro rata Libertorum, Libertarumque *Liminis* accepisse videtur Ti. Iulius Diocles, qui omnium, *Liminis* nomine, curam egit.

Inscriptionem alteram de Danielii Museo militaribus accensendam, nulla instituti operis necessitate, in medium adducimus, sed hac una ratione inducti, ut inde, si fieri potest, lis aestimetur, quae iamdiu viros inter doctissimos magna animorum contentione agitur.

De *Optione Classiario* ancipites olim fuere Herculanienses nostri Antecessores, quales Iupiter! quantique Viri (1)! quod nullum ipsis videre contigerat monumentum, Ordinem eiusmodi prae se ferens. Sed apud Sponium (2) legere est T. Flavium Alexandrum *Ex-Optione Class. Misen. honesta* missione donatum a M. Iulio

(1) Praef. Tom. V.

(2) *Miscellan.* p. 244.

Philippo. Aufidium post Livianum retulit Marinius (1), *Optionem* Class. Ravennat. *Liburna Ammone*.

D. M

Aufidi. Livi

ani. Optio

nis. Rav.

Lib. Ammon

Q. V. A. X. M. XVII

Circenius. Fro

nio. III. Arc. I

H. B. M. F

In quo praeter *Liburnam Ammonem*, memoratur et Trieris *ARC.* forte *Arcus*, vel *Arcis*. *Circenius Fronio* videtur intelligendus *I. H.* idest *Prior Heres*, sive *Institutus Her.* Inter multa, quae afferri ad dubitationem omnem hac de re amovendam possent, satis esto, quod sequitur.

(1) *Tavol. XXXII.* p. 409.

X.

D. M

AELIO. FORTVNATO
 MANIP. N. STAT. PRAETOR
 ANTONINIANORVM
 SILVANIVS. MARINVS. COM
 MANIPVLVS. ET. HERES. BENE
 MERENTI. FECIT

In Vrna , ad cuius latera bina Equi singuli alati eiusdem plane formae. Linea 2. sic reddenda : *Manipulo nostro Stationis Praetoriae*, cum Silvanius Marinus, tituli auctor , 'et heres, se eiusdem *Commanipulum* praedicet.

Aelium hunc Fortunatum ad Aelii Adriani familiam. pertinuisse , opinamur. Sed *Libertini* generis , an *Servilis* ? Libertinum ex Aelii nomine statuimus. Cur itaque non addita *Liber*torum nota L ? Inde quippe primum Fabrettio , deinde Hagenbuchio , ansa arrepta contra Reinesium , *servituti* damnandi homines universos, qui sine nota huiusmodi in titulis procedunt. Fortassis controversia haec omnis uno Taciti loco componi amice queat. Locus est huiusmodi : *Libertos , quos VINDICTA Patronus non li-*

berarit, veluti servitutis vinculo attineri (1). Uni igitur Liberti VINDICTA servitutis vinculum penitus exercebant: qui *Testamento*, aut *Manumissione* liberi fiebant, non item; sed servitutis vinculo veluti attinebantur. Deque posteriori hoc Libertorum genere utroque, non de *Libertis vindicta*, illum Taciti eiusdem locum intelligi oportere, censemus, quo ait (2). *Per idem tempus actum in Senatu de fraude Libertorum, efflagitatumque, ut adversus male meritos revocandae libertatis ius patronis daretur.* Hi enim, non illi, Tacito eodem referente, *veluti servitutis vinculo attinebantur*, ideoque visum Senatui, ut agi contra eos posset, quo ius *revocandae libertatis Patronis daretur*. Postremum igitur hoc Libertorum genus videtur, veluti medium extitisse inter *Servos* stricti nominis, et *Libertos vindicta*, qui lege, servitutis vinculo omnino solvebantur. Propterea idcirco est coniecere, medio huic generi illud saepe numero usuvenisse, quod contingere in medio positis plerumque videmus, ut

(1) *Annal. Lib. XIII.*

(2) *Ibid.*

ab uno interdum extremo , ab altero interdum, scribentis arbitrio , nuncupationem sortiantur : nullumque proinde Fabrettio , Hagenbuchioque ius, eosdem de *Libertorum* grege detrudendi , ut in *Servorum Familiam* compellerent.

XI.

D. M

L. LALLI VALENTIS

ET. LICCAT. BARDI. I

OPTIONIS. EX. III. VENERÈ

VIXIT. ANN. XXXI. MILIT

ANNIS. XIII

Ad finem vers. 3. hastae verticali l deesse videtur horizontalis , unde L. olim constiterat. Legimus itaque sic : *L. Lallii, Valentis, et Liccati Bardi, Liberti* , idest : dicti *et Liccati Bardi, Liberti* : quae si minus placeant , lege I , ut sit primus Optio. Non enim tituli sensus constare potest , qui uni , non duobus , est constitutus. De *Optione* interim *Trieris Veneris* omnis evanescit addubitatio. Sed ecce de Danielii penu Epigramma aliud in rem eandem opportunissimum :

XII.

D. M

P. SEXTILIO

MARCELLO. N.

ITALVS. DOMV

NOL. OPTIONI. CL. PR

M. SEXTIL. FELIX. ET

PETELIA. IVSTA. PAR. ET. MAR

DVLCISS. B. M. F

Versus penultimus aequa indiget interpretatione, ut PAR. ET. MAR. insolenti decurtandi prurigine, sint *Pater, et Mater*, adeoque ultimum F. *Filio* reddi oporteat. Hac facta levissima medicina, omnia rite procedere videntur.

Hactenus titulorum quadratariis, exceptoribusve, aut etiam viris doctis, qui male de iis meriti videntur, dies dicta. Nunc in titulorum auctores ipsos quaepiam, coronadis caussa, adnotanda: quod idcirco facimus, ut ne Tironum animis insideat aliquando, vetera omnia perpetuo manare melle, sesamoque. Ferendum quippe suum homini cuique humanitatis pondus, maximusque ille est, *qui minimis urgetur*. Quid enim illi facies, qui cum defuncti annos

formula illa PLVS. MINVS. haesitans indigita-
taverit , statim deinde menses eiusdem , diesque,
tantum non minutias , tanquam in numerato ,
exhibet ? Rem ita se habere , titulus hic clamat :

XIII.

D. M.

L. AVRELIO. TITO
MILITI. CLASS. PR. MIS
LIBRARIO. DVP. QVI. BIXIT
ANNIS. PLVS. MINVS. XXXX
MESIBVS. V. DIE. VNA. AVRELIA
ERMOCENTA. COIVX. ET
FILI. EIVS. PATRI. BENE
MERENTI. FECERVNT

Et ut non sine morionibus suis sit , quid illi
facies , qui culinariam Inscriptionem cippo mar-
moreo , characteribus rubricatis , nulla verborum
discretione , nullaque fere interpunctione , nullo
certo sensu , insculptam , serio illustrare est ag-
gressus ? Est autem huiusmodi :

XVIII.

VENERI. PROBÆ. SANCTIS. SACR.

TI. CLAVDIVS. MARCION

SALVEMILLEANIMARVMINLVSTRICENAREOPVSSALVE
pVLCHRIONERIS. PORTATRIXINIXVPERABILIDONVM

RERVMHVMANARVMDIVINARVMQVE. MAGISTRA

*cre*ATRIX. SERVATRIXAMATRIXSACRIFICATRIX

SALVE MILLE ANIMARVMINLVSTRICENAREOPVSSALVE

Apage deliramenta mera ebriosorum somniantium, qualia decent Numini tali PROB. SANCTISS. addictos!

Sed itane, dicet quis, qui Marmoribus suppetias afferre hactenus, quas potuimus, conati sumus, ab ipsis nullam referentes gratiam discedemus? Id vero parum urbane. Marmoribus nullae satis haberi gratiae queunt, ut docti omnes consentiunt, et fatentur. Sed quoniam instituti nostri non est, hoc de argumenti genere agere, ne ingrati omnino videamur, titulum unum afferemus, quo et Geographis, et Plinianae cuidam vulgatae lectioni, sed corruptae, gratum faciamus.

XIII.

D. M

Q. VAL. MAX. VETE

VERNOSTE. MIL

ANN. XXVI. VIXIT

ANN. XLVII. Q. VAL

AQVIL. FIL

B. M. F

Venostes, Gens Alpina, memoratur a Plinio in descriptione Tropaei Alpini (1). Lectio

(1) Vid. Morcell. p. 67.

corrupta. Corrigendum *Vernostes*. Adde et aliud Musis elegantioribus dignissimum. Nam nodum praebent siglae nonnullae marmoris cuiusdam Cl. Danielii, plane elegantissimi, Psaltriaque, cui dedicatum, vere digni. Ecce illud:

XIII.

SEMPRONIAE

ELEGANTIORIB. CHOREIS. PSALLENDQ.

PRAESTANTISS

SVAE. VIRIDIS. IN. MEDIO. IVVENTAE

PER. CRVDELIA. FATA. DIREPTAE

SODAL. IV. SIBI. COHOORS. DILECTA

DQ. M. MOER. M. P

Duas lineas postremas sic reddendas censemus: *Sodales vel Sodalic. IV. sibi Cohors dilecta, deque morte moerentes monum. Pos.*

At qui alienis hactenus, nullas nunc reculis nostris suppetias afferemus? Egent hae quidem pro temporis circumstantia in uno, cui pro viribus succurrendum. In Commentariis superioribus VI. et VII. prolixè actum de celeberrimis Pompeiorum siglis D. V. V. A. S. P. P., quibus variae per nos, nec omnino gratuita, subiectae interpretationes, quas, qui recte perpendit, in unum fere omnes redire, facile

deprehendet. Quae caeteris antehabendae, iudicio nostro, hae sunt :

1. *Duumvir. Vot. ad. Salut. public. procur. Vel.*

2. *Duumvir. Vot. ac. Sacr. public. procur.*

Posterior haec nemini improbanda, qui meminerit XVIR. SACR. FAC; ut ab exemplis eiusdem generis aliis bene multis congerendis abstineamus. At ecce nuper Vir eruditus in tribus singulariis prioribus *Duumviros vice annua* se vidisse, gloriatus est; cuius sententiae quo minus accedamus, haec sunt in causa: 1. τὸ VICE in labentis Imperii titulis adhibitum, in comperto est, cum de iis muneribus ageretur, quibus qui fungeretur, Principis revera VICES agebat, eiusque proinde VICARIUS in hoc extabat. Ita apud Gruter. (1).

IVL. NEMESIUS. NOMENTANVS. M. AVREL
IMP. SACRA. VICE. BETICAM. GVBERN

Ita, ne in re notissima longi simus: V. S. I. C; idest: *Vice sacra Iudex Cognitionum*. Nil tale in Duumviris nostris Pompeianis. Ecuius enim, vel ecquorum gerebant vices, qui

(1) Pag. 168. n. 4.

et *annui*, ut caeteri fere omnes, erant, nulliusque unquam dicti *Vicarii*?

2. Siglae nostrae Augustaea tempora attinent, in quibus etsi, quod res erat, ad Principem universa referebantur, verbis tamen parcebatur, praesertim in Oppidulis, ut libertatis pristinae veluti imago, sine invidiae periculo, servaretur. Ut igitur coniecturis nostris nuntium remittamus, nullae adhucdum allatae videntur cogentes rationes.

Corpus Iulianum, eiusque *Centurias sex*, ecquid fuerit, quaeve Centuriarum munia, e quibus *immunitas* decreta C. Julio Hermeti, ignorare nos, ingenue professi sumus ad pag. 73. Nunc, quae animum hac de re incessit suspicio, ingenue item profitemur, sine vadi-
monio. Cum nullo quippe Deo, nec per somnium, nec per visum, sermones miscere datum.

Sex itaque Corporis Iuliani Centurias MILITARES accipimus, quales memoratae in Cippo Vespasiano, quorum militum omnium, Centurionumque nomina descripta idcirco vides, quod Centuriae ipsae, nomine suo, SACRVM paci aeternae Vespasiani, liberorumque eius faciunt. Verum in titulo nostro Centuriarum sex, mili-

tumque nomina ideo omissa , quod non Centuriae ipsae , sed unicus Julius Hermes , nomine suo , et Filii sui Julii Regilli , sacrum facit *Victoriae Imp. Caesaris Vespasiani*. Ecquid enim aequius , quam milites de *Victoria* Imperatoris sui gratulari, eidemque SACRA Publica decernere ? *Corpus* itaque hoc *Julianum* Tribus Succussanae MILITARE fuisse , arbitramur , ut Tribus eiusdem Succussanae IVNIORVM corpus sine dubio militaribus accensendum. *Immunitatem* propterea *sex Centuriarum* C. Julio Hermeti decretam MILITAREM statuimus. Quae omnia eruditorum arbitratui permittimus, quorum iudicium et anxie expectamus, nec sine gratiarum actione , ut par est, erimus aliquando excepturi.

De notis denique chronologicis Coloniarum , Municipiorumve plura adversus Maffeiū disputata in vindiciis Marmoris Puteolani , cujus initium est : *A Colonia deducta* ; quas consule , si vacat (1). Nunc ad rem eandem confirmandam, ampliandamque obviam se dat titulus Mediolanensis relatus a Fabretto (2), qui est huiusmodi :

(1) *Illustrazione Apologetica* del marmo *Puteolano* , cc.

(2) Pag. 73.

INNOCENTI. CVM. ENGRATIO. VIVAS
GEN. ET. HON

MAGI. GERMANI. STATORI
MARSIANI. EQ. R. E. P. DEC. DEC. V.
EX.). IIII. COLL. FAB. ET. CENTON.
CVRATOR. ARK. TITIANAE. COLL. SS
ANNI. CLI. COLON. C. A. F. MED
ET. IVNONI

CISSONIAE. APHRODITI. EIVS
) . XII. COLL. S. S. PATRONIS
PLVRA. MERENTIBVS

INNOCENTI. QVI. SIC. AGIS. BENE. VIVAS

Vide in titulo hoc unam notam chronologicam, eandemque municipalem, nulla Consulum iniecta mentione, *Anni CLI. Colon. C. A. F. Med.* idest: *Coloniae Copiae Augustae Felicis Mediolan.* Paucis nunc complectamur caetera, quae notatu digna in marmore videntur.

1. Titulus inscribitur *Genio, et Honori Magii Germani Statori Marsiani, et Junoni Cissoniae Aphroditi eius* (intellige) *uxori, seu Veneri.*

2. *Magius Eques Romanus Equo publ., Decurialis Decuriae V. ex Centuria IIII. Collegii Fabrum, et Centonariorum. Item Curator*

Arcae Titianae Collegii suprascripti. Collegii huius *Patroni* Magius cum Uxore, Innocentius, et Engratius.

3. Titulus ponitur a *Centur. XII. Collegii suprascripti.*

4. Collegia ad instar Legionum ordinata ita, ut Collegium ipsum ad instar Legionis esset, quod *Centuriis* constabat, quae iterum in *Decurias* dividebantur.

5. Honor singularis Innocentio habitus, cui singulari acclamatione in tituli fine plauditur.

ERR.

CORR.

Pag. 15. v. 12.	Dendropro- phororum. .	Dendrophorum
36. v. 7.	Vietore. . . .	Victore
37. v. 15.	πτότερον. . .	προτερον
43. v. 15.	του σιον. . .	τον Βιον
47. v. ult.	cum	enum
49. v. 5.	Mam. . . .	Nam
50. v. 10.	Cun. . . .	Cum
53. v. 10.	Exceptum. .	Exceptam
63. v. 10.	αρκαιλογαν. .	αρκαιολογαν
72. v. 7.	Vacat	Vacant
73. v. 14.	SEXs. . . .	SEXSD

Pag. 13. v. 2. T. F. T. F. FAB.

Pag. 51. v. 14. Puerum quadrumum. Puerum octennem.

ADDITAM.

De titulo Eburico pag. 13. adhuc ampliandum videtur. Praeter HS. VIII. N. erogata a T. Flavio Collegio Dendrophorum ob statuae dedicationem, *collocata* HS. XX. N; quorum usurae adsignatae *Quinquennialiciis*, *Ilviris*, et *Aediliciis*. 2. Seorsum ab his, pro *ceteris Conlegis Decurionibus singulis collocata* HS. N. x., quam summam ex Marmoris iactura non licet certo statuere. Sed mediam fuisse, oportuit, inter XX. et XII; quae pro Augustalibus *liquido collocata* adparet; minorem puta HS. XX. N; sed paullo maiorem HS. XII. N. 3. Vocem SING. v. penultimi ad Collegia *singula Dendrophor*; et *Centonariorum*, non ad Collegas singulos utriusque Collegii, referendam; ut sensus sit, pro unoquoque horum Collegio *collocata* fuisse a T. Flavio HS. M. N. 4. Quamobrem, rationibus accuratius initis, HS. summa liquida, praeter incertam in De-

curionum beneficium, erit HS. 54000 = duc.
nostris fere 2348.

Pag. 44. versu antepenult. DEL. pro *Delio*
accepimus. Verius fortasse pro *Delmata* accipias.

Pag. 87. v. 10. PAR. ET. MAR. pro *Pa-*
tre et Matre accepimus. Rectius cum Cl. ami-
cissimoque Furlanettio reddas: *Parenti, et Ma-*
rito, ut *M. Sextilius Felix* filius extiterit *P.*
Sextilii Marcelli, qui et *Peteliae Iustae* fue-
rat maritus.

